


# Անահիտ



Exported from Wikisource on 08/24/20

# Անահիս

Դագարոս  
Աղայան

[92]

Ա

Մի ժամանակ Աղվանից աշխարհի թագավորանիստ քաղաքը Պարտավն էր, որ այժմ ավերակ է և ասվում է Բարդա: Դա գտնվում էր այժմյան Գանձակի և Շուշվա մեջտեղը՝ Թարթառ գետի վրա: Այդտեղ էր Վաչե թագավորի հոյակապ ապարանքը՝ իր ընդարձակ ծառաստանով, որ երկարումեկ ձգված էր Թարթառի ափովը: Այդ հինօրյա արհեստական անտառը բնականից գերազանցում էր իր հսկայական չինարներով ու բարդիներով, որոնց բարձրության ստվերի տակ ծածկվում էին քաղաքի նոյնիսկ ամենաբարձր աշտարակները: Նրա չորս կողմով քաշված ամուր պարիսալը վանդակի պաշտոն չէր կատարում բնավ այն թեթևաշարժ ու արագավազ այձյամների ու եղջերուների համար, որոնք այնտեղ խմբերով զբոսնելու և խաղալու ազատ ասպարեզ ունեին:

Մեկ անգամ Վաչե թագավորի միամոր որդին՝ Վաչագանը, որ մի նորահաս երիտասարդ էր, պալատի պատշգամքի վրա կորնած նայում էր իրանց այդ ժամանակին: Եղանակը գարնանային էր և առավոտյան արևաբացին: Աշխարհի բոլոր երգեցիկ թռչունները, կարծես խոսք մեկ արած՝ հավաքվել էին այդ ծառերի վրա, որ մի ընդհանուր նվազահանդես սարքեն և իրար հետ մրցեն: Մինն իր սրինգն էր փշում, մյուսն իր փողը, բայց հաղթանակը խոստոն էր տանում: Սոխակն էր այդ խոստող՝ բյուլբյուլն Աղվանից, սիրահար սրտերի միակ մխիթարիչը: Նա որ սկսում էր նվազել իր բյուրադի [1] քնարը, խկույն լոռում էին մյուսները և, ականջները սրած՝ նրան էին լսում և նրա դայլայլիկի բյուրավոր ելեւշներից դաս առնում: Մինք սովորում էր նրա ծլվլոցը, մյուսը՝ նրա կլկլոցը, մինք՝ շվշվալը, մյուսը՝ սուելը, և մեկ էլ հանկարծ ամենքը միասին, միախառն ձայնով սերտում էին իրանց սովորած եղանակները:

Արդյոք սրա՞նց էր ականջ դնում Վաչագանը այնպես լուռ, այնպես ակնապիշ: Ոչ... Ուրիշ հոգս, ուրիշ՝ ցավ կար նրա սրտումը. սրանք միայն սաստկացնում էին նրա ցավը և խոր տիրության մեջ ձգում նրան:

Այս տիտոր մտմտութից հանեց Վաշագանին նրա մայրը՝ Աշխեն թագուհին, որ այդ պահուն մոտեցավ նրան և, մոտը նստելով, հարցրեց.

— Վաշի’կ, ես տեսնում եմ, որ դու սրտումդ մի ցավ ունիս, բայց թաքցնում ես մեզանից: Որդի, ասա’ ինձ, ինչո՞ւ համար ես այդպես տիտոր:

— Մա՛յր, ճշմարիտ ես ասում,— պատասխանեց որդին,— աշխարհիս փառքն ու վայելչությունը աշքիս չեն երևում: Ուզում եմ հեռանալ աշխարհից, գնալ անապատ: Ասում են՝ Մեսրոպ վարդապետը կրկին եկել է Հացիկ, իր շինած վանքումը միաբանություն է հաստատել, աշակերտներ ժողովել, ուզում եմ ես Էլ գնալ այնտեղ: Մա՛յր, դու չգիտես, թե ինչքա՞ն լավ գյուղ է այդ Հացիկը: Այնտեղի թե՛ տղերքը և թե՛ աղջկերքը այնպես սրամիտ, այնպես գեղեցիկ են, որ եթե տեսնես՝ կմնաս հիացած:

— Ուրեմն, նրա՝ համար ես գնում Հացիկ, որ այնտեղ տեսնես քո սրամիտ Անահիտին:

— Մա՛յր, դու որտեղից գիտես նրա անունը:

— Մեր պարտիզի սիսակները քերին ինձ այդ համբավը: Սիրելի՝ Վաշիկ, ինչո՞ւ ես մոռանում, որ դու Աղվանից թագավորի որդին ես: Թագավորի որդին կա՛մ թագավորի, կա՛մ մեծ իշխանի աղջիկ կուզի և ոչ թե՛ մի գեղջկուիի: Վրաց թագավորը երեք աղջիկ ունի, կարող ես ընտրել նրանցից որին կամենաս: Գուգարաց բղեշխն ունի մի շատ գեղեցիկ աղջիկ, որ իր միակ ժառանգն է, իր հարուստ կալվածների միակ տիրուիին: Սյունյաց իշխանն ունի դարձյալ մի շատ սիրուն աղջիկ, վերջապես՝ մեր հազարապետի<sup>[2]</sup> Վարսենիկն ի՞նչ պակաս աղջիկ է. մեր աշքի առջև մեծացած, մեր ձեռքով կրթված...

— Մա՛յր, ես արդեն ասացի, որ պիտի երթամ վանք, բայց եթե դուք ուզում եք, որ ես անպատճառ ամուսնանամ, ապա գիտացեք, որ իմ ուզածը միայն և միայն Անահի՛տն է...

Այս ասաց Վաշագանը և, ամորից կարմրելով, վագեց դեպի պարտեզ, ինչպես մի ծանր բեռնից ազատված փախստական գերի...

## Բ

Վաշագանի քսան տարին նոր էր լրացել: Նա երկայնացել էր իրանց պարտեզի բարդիների նման, բայց շատ քնքուշ, դժգույն և վատառողջ էր: Մանկությունից կրոնական կրթություն ստանալով մեծն Մեսրոպի աշակերտների մոտ՝ մտադիր էր իր վարդապետների օրինակին հետևել, քաշվել մի վանք, աշակերտներ պատրաստել և քարոզության նվիրվիլ: Բայց նրա այդ ձգտումը հակառակ էր իր

ծնողաց կամքին, ըստ որում՝ ի՞նքն էր նրանց միակ զավակը, ի՞նքն էր Աղվանից թագավորության միակ ժառանգը:

«Որդյա՞կ իմ Վաչագան,— ասում էր հայրը շատ անգամ,— դու գիտես, որ իմ հույսը միայն դու ես, դո՞ւ պետք է մեր տան ճրագը վառ պահես, մեր օջախի հիշատակը՝ կենդանի: Պետք է, ուրեմն, ամուսնանաս, ինչպես որ աշխարհիս օրենքն է»:

Որդին միայն կարմրում էր հոր այդ առաջարկությունը լսելիս և չէր իմանում՝ ի՞նչ պատասխան տա, ըստ որում՝ ամուսնության վրա նա չէր մտածել և չէր էլ ուզում մտածել: Բայց հայրը նրան հանգիստ չէր տալիս, և նույն առաջարկությունը, ավելի գրավիչ խոսքերով, նա անում էր շաբաթը մի քանի անգամ: Հոր այդ ստիպմունքներից ազատ մնալու և նրան ուշ-ուշ տեսնելու համար ինքն իրան որսորդության տվավ Վաչագանը, թեև զբոսասեր չէր, այլ՝ ավելի սիրում էր շարունակ տանը նստել և կարդալ: Այսուհետև առավոտները վեր էր կենում շատ վաղ և ընկնում սար ու ձոր և երեկոները շատ ուշ ետ դառնում: Երբեմն երեք-չորս օրով ուշանում էր և ծնողացը տարակուսության մեջ ձգում: Շատ իշխանների որդիք ուզում էին նրան ընկերանալ և նրա հետ միասին ման գալ, բայց ինքը չէր հոժարում: Նա հետք վերցնում էր միայն իր մտերիմ և քաջ ծառային՝ Վաղինակին, որ մի պնդակազմ և քաջառողջ տղամարդ էր, և իր հավատարիմ շունը՝ Զանգին, որ թեև դեռ լակոտ, բայց արդեն մի ահազին գամփո էր: Մրանց հանդիպող մարդիկը չէին իմանում, որ մինը թագավորի որդին է, և մյուսը՝ նրա ծառան, ըստ որում՝ երկուան էլ միևնույն հասարակ որսորդի հագուստն ունեին հագած, երկուսն էլ՝ միևնույն նետաղեղը ուսներին և լայնաշեղը դաշույնը կախած գոտիկներից, միայն պաշարի պարկը Վաղինակն էր կրում: Շատ անգամ իշնում էին զանազան զյուղերում, և Վաչագանը, իբրև մի օտար մարդ, ծանոթանում էր զյուղացոց կյանքին, տեսնում էր նրանց ամենօրյա հոգսերն ու կարիքները, նկատում էր, թե ովքե՛ր են բարություն անում և ովքե՛ր՝ անիրավություն: Համկարծ շատ կաշառակեր դատավորներ հետացվում էին իրանց պաշտոնից, և նրանց տեղ լավերն էին նշանակվում, շատ գողեր քոնվում ու պատժվում էին, շատ նեղության մեջ ընկած տներ ու համայնքներ օգնություն էին ստանում թագավորից՝ առանց իմաց տալու նրան իրանց նեղությունը: Այսպես մի աներևույթ զորություն ամեն տեղ ամեն բան տեսնում էր և հոգացողություն անում: Այս տեսնելով՝ ժողովուրդն սկսեց հավատալ, որ Վաչե թագավորը Աստծու պես իմանում է, թե՝ ո՞ւ ինչ է պետք, և ո՞վ է պատժի կամ վարձատրության արժանի մի բան արել: Էլ ոչ մի տեղ ո՞չ զողություն էր լինում և ո՞չ մի ուրիշ անարդարություն: Բայց ոչ ոք չէր իմանում, որ այդ լավ փոփոխության միակ պատճառը թագավորի որդին էր:

Վաչագանի այս տեսակ թափառական ճանապարհորդությունը իր համար էլ ունեցավ լավ հետևանք: Նա ավելի զվարքացավ և առույգացավ: Նա սկսեց ավելի ուժեղանալ և ճարպիկանալ՝ քան թե առաջ էր: Մոտիկից տեսնելով

ժողովրդի հոգսերը՝ նա զզաց, թե ինչքա՞ն բարիք կարող է անել մի թագավոր իր երկրի համար, և սկսեց փոքր առ փոքր ճգնվելու միտքը թողնել: Նրա սրտի սերն արդեն վառվելու հատկություն էր ստացել, հարկավոր էր միայն մի առիթ, մի շփումն, որ ցոլային նրա լուսակայլ ճառագայթները, այդ առիթը շուտով վրա հասավ:

Մեկ օր իրանց սովորական որսորդության ժամանակ Վաչագանն ու Վաղինակը <sup>25</sup> հման մի զյուղ և նատեցին նրա աղբյուրի մոտ, որ հանգստանան: Շատ դադրած <sup>[3]</sup> ու քրտնած էին: Գյուղի աղջկերքը եկել էին աղբյուրից ջուր տամելու և հերթով լցնում էին կուժերն ու փարչերը <sup>[4]</sup>: Վաչագանը սաստիկ ծարավել էր: Նա ջուր ուզեց, և աղջիկներից մինը լցրեց փարչը և ուզեց Վաչագանին տալ, բայց մի ուրիշ աղջիկ նրա ձեռքից խլեց փարչը և դարտկեց: Ինքը նորից լցրեց, բայց էլի դարտկեց: Վաչագանի թուքը ցամաքել էր, և անհամբեր սպասում էր, թե՝ երբ պետք է արդյոք իրան ջուր հասցնեն, բայց մեր անծանոթ աղջկա հոգը չէր այդ. նա կարծես խաղ էր անում, լցնում, դարտկում էր և այդ կրկնեց չորս-հինգ անգամ, միայն վեցերորդ անգամին տարավ, իրան անծանոթ որսորդին տվավ:

Վաչագանը երբ որ խմեց և փարչը տվավ Վաղինակին՝ ինքն սկսեց խոսեցնել աղջկանը և հարցրեց, թե՝ ինչո՞ւ նա խկույն չքերավ ջուրը. շինի՞ թե կատակ անել ուզեց կամ բարկացնել: Աղջիկը նրան պատասխանեց.

— Մենք սովորություն չունինք մի օտար երիտասարդի հետ կատակ անել, մանավանդ՝ երբ նա ջուր է ուզում: Բայց ահա՝ ինչ էր իմ միտքը: Ես տեսա, որ դուք դադրած ու քրտնած եք, իսկ այդ վիճակի մեջ սառը ջուրը վնաս է մարդուն, դրա համար ես գիտությամբ ուշացրի, մինչև դուք մի փոքր հանգստանաք և հովանաք:

Աղջկա խելոք պատասխանը զարմացրեց Վաչագանին, բայց գեղեցկությունն ավելի ևս հիացրեց նրան: Նրա աչքերը խոշոր, թուխ-թուխ և վառվուն էին, ունքերը՝ կարծես վրձինով քաշած, գլուխը բաց էր, և ծամերը փոված թիկունքի վրա, ճակատը՝ լայն, քիթ ու պոռշը՝ նկարածի պես: Ոչինչ զարդ ու զարդարանք չուներ, հազուստը մի կարմիր մետաքսե շապիկ էր, որ նրա վայելչակազմ հասակը ծածկում էր մինչև ոտները, և մի ասեղնագործած քամկոնակ, որով կոճկված էր նրա բարակ մեջքն ու լայն կուրծքը: Ոտքերը բորիկ էին, բայց նոր լվացված կաթնաղբրի ջրով՝ բամբակի պես սպիտակին էին տալիս: Այսպես էր <sup>26</sup> անհիտի արտաքին կերպարանքը, բայց նրա դեմքի զծագրության, նրա աչքերի մեջ մի այնպիսի գրավիչ զորություն կար, որ խկույն կախարդեց Վաչագանին և ապշեցրեց նրան:

— Անունդ ի՞նչ է,— հարցրեց Վաչագանը:

- Անահիտ,— պատասխանեց աղջիկը:
- Ո՞վ էք հայրը:
- Իմ հայրը մեր գյուղի նախրչի Առանն է: Բայց ինչո՞ւ ես ուզում իմանալ, թե իմ անունն ինչ է, կամ ով է իմ հայրը:
- Ոչի՞նչ, հենց այնպես հարցնում եմ. հարցնելը ին մե՞ղք չէ:
- Եթե հարցնելը մեղք չէ՝ խնդրեմ, դու Էլ ինձ ասես, թե ինքդ ո՞վ ես, ո՞րտեղացի ես:
- Առ՞ւտ ասեմ, թե՞ ճշմարիտ:
- Ո՞րը քեզ արժան կհամարես:
- Իհարկե, ես արժան կհամարեմ ճշմարիտը, իսկ ճշմարիտն այս է, որ ես հիմա չեմ կարող ուղիղն ասել, թե ես ով եմ, բայց խոսք եմ տալիս մի քանի օրից հետո հայտնել:
- Շա՞տ լավ: Շնորհեցեք ինձ փարչը, և եթե Էլի ջուր եք կամենում՝ բերեմ:
- Ո՞չ, շնորհակալ ենք. դու լավ իրատ տվիր մեզ, այդ կիշտնք միշտ և քեզ չենք մոռանալ:

Ավագիտն առավ փարչը և հեռացավ:

գ

Երբ որ մեր որսորդները ճանապարհ ընկած գնում էին դեպի տուն՝ Վաշագանը հարցրեց Վաղինակին.

- Վաղինա՞կ, դու մեր Բարդումը տեսա՞ծ ես սրա պես գեղեցիկ աղջիկ:
- Վաղինակը պատասխանեց.
- Ես լավ չնկատեցի նրա գեղեցկությունը, իմացա միայն, որ իրանց գյուղի նախրչու աղջիկն է:
- Չես նկատել, բայց լավ ես լսել: Այդ նրանից է, որ քո ականջներն ավելի սուր են, քան թե աչքերդ, բայց քո սուր ականջները շատ սխալ են լսում:
- Ո՞չ, սխալ չեն լսում, աղջիկն ի՞նքն ասաց, որ իր հայրը իրանց գյուղի նախրչին է:

— Շա’տ լավ, բայց դրանից ի՞նչ դուրս եկավ, ես կարծում եմ, որ այդ հանգամանքը նրա իրաշալի գեղեցկությունից ո՞չ մի մազ չպակսեցրեց և նրա արժանավորությունն ավելի ևս բարձրացրեց:

— Ուրեմն դու, եթք որ թագավոր դառնաս, մի նախրչական շքանշան հնարի՛ր և նրանով բարձրացրու քո իշխաններին:

— Նախրչական նշանն այնքան բարձր է, Վաղինա՛կ, որ կարելի չէ տալ ո՞չ մի իշխանի: Այդ նշանը կարող են կրել միայն թագավորներն ու հայրապետները: Դու չգիտե՞ս միթե, որ այն գավազանը, որ տրվում է թագավորներին և հայրապետներին՝ հովվական նշան է:

— Հովվակա՞ն, բայց ոչ թե նախրչական:

— Հովվիվն ու նախրչին ինչո՞վ են զանազանվում միմյանցից, եթե ոչ նրանով, որ հովվիվ միայն այծ ու ոչխար է արածացնում, իսկ նախրչին՝ ամեն ինչ. ոչխար, այծ, տավար, զոմեշ, ձի, էշ, ջորի և մինչև անզամ՝ ուղտ: Եվ թագավորի պաշտոնն ավելի նախրչության է նման, քան թե հովվի, ըստ որում՝ նրա ժողովուրդը միայն ոշխարներից ու այծերից չէ բաղկացած, այլ՝ շատ տեսակ կենդանիներից: Մի՞թե թեզ հայտնի չէ, որ Աստված ամենից շատ նախրչիներին է սիրել . ի՞նչ են եղել Աքրահամ, Մոսես, Դավիթ, եթե ո՞չ մի-մի նախրչի: Ո՞վ եր Աստծուն ավելի սիրելի՝ Եսա՞վը, որ մեզ նման որսորդ էր, թե՞ Հակոբը, որ նախրչի էր: Իմ կարծիքով, նախրչի են եղել աշխարհիս բոլոր արդար մարդիկը՝ Աքելից սկսած մինչև այս գյուղի նախրչին, որ այսքան գեղեցիկ ու խելոք աղջիկ ունի:

— Քեզ հետ վիճել կարելի չէ, իշխա՞ն . քիչ էլ որ խոսեցնեմ, դու Մեսրոպ վարդապետի քարոզները կկարդաս գլխիս: Թող գեղեցիկ լինի նախրչու աղջիկը. ասած է «Աչքի սիրածը տգեղ չի լինի»: Բայց ես կարծում եմ, որ եթե այդ աղջիկը լիներ մի երկրագործի աղջիկ՝ դու չէիր ասիլ, որ Կայենը երկրագործ էր, բայց կասեիր. «Երկրագործ են եղել աշխարհիս բոլոր լավ մարդիկը՝ Ադամից սկսած մինչև այս գյուղի երկրագործը, որ մի այսքան սիրուն աղջիկ ունի»:

— Վաղինա՛կ, մի րոպե թող քո սրախոսությունդ և ինձ ուղի՞ղն ասա. Անահի՞տն է գեղեցիկ, թե՞ մեր հազարապետի աղջիկ Վարսենիկը:

— Ես կարծում եմ, որ իբրև իշխանուիի՝ հազարապետի աղջիկն է գեղեցիկ, իսկ իբրև նախրչուիի՝ այդ գեղշկուիին. մինը մյուսի տեղը չի բռնիլ:

— Բայց ո՞րը կլինի ավելի խելոք՝ Անահի՞տը, թե՞ Վարսենիկը:

— Ես ոչ մեկի խելքը չեմ շափել, բայց կարծում եմ, թե՝ Վարսենիկը շատ լավ զիտե, որ մեր Թարթառի ջուրը ոչ որի վնաս տված չէ՝, և այդ պատճառով՝ երբ որ դեռանից ջուր ուզես, նա հարկ չի համարիլ քո Անահիտի պես նազ ու սազ անել և թուքդ ցամքած թողնել:

— Վաղինա՛կ...

— Հրամայի՛ր, իշխան...

— Վաղինա՛կ, դու ինձ չե՛ս սիրում...

— Իշխա՛ն, ես հասկանում եմ քո միտքը: Ես տեսա, որ այդ առասպելական Անահիտի թերթեունքները նետերի պես ցցվեցան սրտիդ մեջ, բայց ցավում եմ, որ այդ վերքը քո մեջ պիտի անքշշկելի դառնա...

Վաշագանն այլևս չխոսեց և ընկավ մի խոր մտածության, մի երևակայական աշխարհի մեջ: Լոեց և Վաղինակը: Միայն Զանգին սովորականից դուրս ավելի ուրախ էր թոշկոտում ու խաղում, կարծես մի նոր որսի հոտ լիներ առած:

## Դ

Նախընթաց դեպքից մի քանի օր անցած թագավորն ու Վաղինակը երկար խոսակցություն ունեին: Խոսակցության առարկան Վաշագանն էր:

— Վաղինա՛կ,— ասաց թագավորը,— դու մի փոքր երեխա ես եղել, որ մեր տունն ես եկել, ես քեզ հարազատ որդու պես եմ պահել: Այսօր դու ինքդ որդու տեր ես և կարող ես զգալ, թե ի՞նչ է որդեսիրությունը: Մեր Վաշագանը քեզ եղբորից չի զանազանում և միայն թե՛զ է հայտնում իր սրտի զաղտնիքը: Դու պետք է իմանաս նրա միտքը և հայտնես մեզ, որ մենք մեր ձեռքից եկած հնարք գործ դնենք:

Վաղինակը պատասխանեց.

— Հա՛յր թագավոր, Վաշագանն այնքան զաղտնապահ է, որ ինձ էլ չի բաց անում իր սիրտը, միայն այս վերջին օրերս ես նրա մեջ մեծ փոփոխություն եմ նշմարում: Ես կարծում եմ, որ նա սիրահարված է Անահիտ անունով մի աղջկա վրա:

— Ո՞վ է այդ Անահիտը:

— Դա Հացիկ գյուղի նախրչու աղջիկն է:

— Նախըն՛ւ...

— Այո՞ւ:

— Այդ նախընու Անահիտը մի աստվածուի պետք է լինի, ուրեմն, որ կարողացել է Վաշագանին այդպես կախարդել և կակդացնել<sup>[5]</sup> նրա քարացած սիրտը:

— Հայր թագավոր, ես միշտ փտնում<sup>[6]</sup> եմ այդ աղջկանը, ծիծառում եմ Վաշագանի վրա, բայց զուր է անցնում իմ աշխատությունը, և կարծում եմ, որ պիտի զուր էլ անցնի, ըստ որում՝ այդ աղջիկը ճշմարիտ որ մի աստվածուի է. նրա գեղեցկությունը մի հիացը է, իսկ խելքի մասին հրաշքներ են պատմում: Ասում են՝ զյուղի ծերերը նրա խորհրդին են դիմում ամեն դժվար հանգամանքներում: Ո՞չ մի երիտասարդ նրա քաջությունը չունի, ո՞չ մի օրիորդ՝ նրա ձեռքի ճարտարությունը: Նրան անվանում են «Անտառների թագուիի», ըստ որում՝ իր հոր նախրից երբ որ մի ապրանք է կորչում կամ գողացվում, նա իսկույն, մի կրակոտ ձի հեծած՝ սար ու ձոր է ընկնում և որտեղից լինի՝ գտնում բերում է: Այս տեղեկությունները ես հավաքել եմ Վաշագանից ծածուկ և ոչինչ չեմ հայտնել, որ ավելի ևս չտաքանա, բայց ինչպես ես տեսնում եմ, նա առանց այս էլ նրանից ձեռք վերցնողը չէ: Ես հույս ունիմ, որ ինքը եթե ձեզ չհայտնե, մայր թագուինց չի թաքցնի:

— Եթե այդպես է՝ ես կհայտնեմ մորը: Շնորհակալ եմ, որ ինձ նախապատրաստեցիր քո տված տեղեկություններով:

Վաղինակը ճշմարիտ որ լավ նախապատրաստեց թագավորին: Նա Անահիտի գովասանքը, իր կարծիքով, չափազանցության հասցրեց ավելի այն մտքով, թե՝ բան է, եթե որդու կողմից զիջում չլինի, գոնե ծնողաց կողմից լինի, որ Վաշագանի մուրազն անկատար չմնա: Ահա՝ այս խոսակցությունից հետո էր, որ մայրն իմացավ որդու տիսրության գաղտնիքը:

## Ե

Թագուիին երբ որ իմացավ Վաշագանի վճռական խոսքը, թե՝ նա միայն Անահիտին կուզի և ուրիշ ոչ որի, հայտնեց թագավորին, որ իրանց որդին Հացիկ զյուղի նախընու աղջկանն է հավանել, և պատմեց բոլորը, ինչ որ ինքը լսել էր: Այս լուրը շուտով տարածվեց ամբողջ պալատի մեջ: Բոլոր ծառաներն ու նամիշտներն իմացան: Մյուս օրը ամբողջ քաղաքը դղրդում էր այդ նոր համբավով: Գյուղացիք ուրախացան, որ թագուիին իրանցից կլինի, և նրա օրով իրանք շատ բախտավոր կլինին: Մեծ-մեծ իշխանները տիսրեցան, թե՝ ինչո՞ւ թագավորի որդին ուամիկ նախընուն իրանցից քարձր համարեց: Վաճառականները ծիծառում էին, թե՝ երևի թագավորի որդին խելքը կորցրել է,

որ փոխանակ հարուստ օժիտով աղջիկ ուզելով՝ մի աղքատի աղջիկ է ուզում:  
Պակաս չեին և սրախոս մարդիկ, որոնք այդ առիթով զանազան առասպելներ էին  
հնարում և պատմում սրան-նրան:

Ահա՛ թե ինչ էին ասում այդ սրախոսները.

— Բաքի՛կ, ասում են՝ մեր թագավորի որդին նախրչու աղջիկ է ուզում, լսե՞լ ես...

— Այդպես չե, սիրելի՛ Սադոկ, դու սխալ ես լսել: Այդ նախրչին իսկապես  
նախրչի չե, այլ՝ թագավոր է, քայց որովհետև իր հպատակները բոլորն էլ  
անասուններ են, այդ պատճառով նրան նախրչի են ասում: Հիմա մենք որ հիմար  
լինինք, մի՞թե դրա համար պետք է մեր թագավորին տավարած անվանեին: Մեր  
թագավորի խնամացուն մի շատ իմաստուն թագավոր է. նա իմանում է բոլոր  
անասունների լեզուն, այդպես մեկ էլ Սողոմոն իմաստունն է եղել:

— Ի՞նչ ես ասում... մի՞թե անասուններն էլ ունին թագավոր:

— Ինչո՞ւ ես զարմանում: Հապա չե՞ս լսել, որ ասում են՝ մորեխների թագավորը,  
օձերի թագավորը, մրջունների թագավորը, մեղունների թագուիին: Եվ մարդիկն էլ  
դեռ այն ժամանակն են սկսել թագավոր ունենալ, երբ նրանց խելքը անասունների  
խելքից բարձր չի եղել:

— Ես այդ գիտեմ, քայց չեմ լսած, որ տավարներն էլ ունենան թագավոր: Մեկ էլ,  
որ ասենք՝ օձերի թագավորը օձ է, մորեխներինը՝ մորեխ, քայց տավարներինը  
մի՞թե մարդ է:

— Հապա մարդ որ չիներ, էլ ինչպե՞ս աղջիկ կունենար, էլ ո՞ւմ կուզեր մեր  
թագավորի որդին, երևի մարդ է, որ աղջիկ ունի, և այն էլ՝ գիտե՞ս ինչպե՞ս  
աղջիկ. շատ գեղեցիկ և շատ իմաստուն: Ասում են՝ այդ աղջիկը մարդու չի զնում,  
և դեռ հայտնի չե, թե արդյոք մեր թագավորի որդուն կուզի՞՝, թե՞ ոչ:

— Ի՞նչ ես ասում:

— <sup>109</sup> Ասպա դու ի՞նչ ես կարծում...

Ω

Թագավորն ու թագուիին տեսան, որ չեն կարողանում Վաչագանի միտքը փոխել,  
մի երեկո խորհուրդ արին և վճռեցին, որ ընդունեն նրա ընտրությունը:

Թագավորն ինքը շատ բարի մարդ էր, նա սրտով հակառակ չէր ամենևին որդու  
ընտրությանը: Նա մինչև անգամ ուրախ էլ էր, որ իր որդին բոլոր հպատակների  
վրա հավասար աշքով է նայում և մեկը մյուսից բարձր չի դասում: Նա միայն

վախենում էր, թե՝ միզուցե դրանով գոռող իշխաններին գրգռե իր դեմ: Բայց երբ որ իմացավ, թե՝ զյուղացիք շատ ուրախ են այդ քանին, և Անահիտն էլ քարձը համբավ է ստացել նրանց մեջ, ի՞նքն սկսեց համոզել թագուհուն, որ հոժարի այդ քանին…

Մյուս օրը կանչեցին Վաղինակին, հայտնեցին իրանց հոժարությունը և, նրա հետ երկու պատվավոր և իշխան մարդ ևս դնելով, մեծամեծ ընծաներով ուղարկեցին Հացիկ՝ հարսնախոսության:

Երբ որ դրանք հասան նախրչի Առանի տունը՝ Առանը նրանց սիրով ընդունեց և շնորհավորեց նրանց գալը: Անահիտը տանը չէր: Հյուրերը նստեցին սրահում՝ մի նոր գորգի վրա, որ Առանը փոեց իսկույն և ինքն էլ նստեց նրանց կշտին:

Խոսակցության նյութը ամենից առաջ դարձավ նոր գորգը, որ իր գեղեցիկ նախշերով, գույների պայծառությունով և գործվածքի նրբությունով գրավեց հյուրերի ուշադրությունը:

— Այս ի՞նչ հրաշալի գորգ է,— ասաց Վաղինակը,— տանտիկինդ կլինի գործած, անշուշտ:

— Ո՛չ, ես կին չունիմ, ահա հինգ տարի է, որ կինս վախճանվել է: Այդ գորգը մեր Անահիտի գործածն է: Բայց ինքը չի հավանում, ասում է՝ իմ ուզածիս պես դուրս շեկավ: Մեկ նորը հինել է, ահա՝ այն ծածկված ոստայնն է, հույս ունի, որ այն պիտի իր ուզածի պես դուրս բերե:

— Մեր թագավորի պալատումն էլ չկա մի այսպիսի գարդ,— ասաց իշխաններից մինը, հետո դառնալով Առանին՝ ավելացրեց,— շատ ուրախ ենք, որ քո աղջիկն այսքան շնորհալի է: Քո Անահիտի համբավը մինչև թագավորի ականջն է հասել: Եվ ահա՝ մեզ ուղարկել է քեզ մոտ խնամախոսության: Թագավորը կամենում է, որ քո Անահիտը տաս իր մինուճար որդուն՝ Վաշագանին, որ իր թագաժառանգն է:

Իշխանը, այս առաջարկությունն անելով՝ սպասում էր, թե Առանը կամ չի՝ հավատալ, կամ թե՝ սաստիկ ուրախանալուցը վեր կթոշի տեղիցը: Բայց Առանը ո՛չ այս արավ և ո՛չ այն, այլ՝ գլուխը քաշ զցեց և սկսեց ցուցամատը գորգի նախշերով սահեցնել: Նրան այդ մտածությունից հանեց Վաղինակը՝ ասելով.

— Ինչո՞ւ տիրեցիր, Առան եղբայր, մենք քեզ ուրախություն ենք բերել և ո՛չ տիրություն: Մենք քո աղջիկը բոնի տանելու շենք: Այդ կախված է քո միակ կամքից. եթե կուզես՝ կտաս, չես ուզիլ՝ չես տալ. մեզ հարկավոր է միայն, որ դու ուղիղն ասես, թե դու ինչպես կկամենաս՝ տա՞լ, թե՞ շտալ:

— Իմ պատվական հյուրեր,— պատասխանեց Առանը,— ես շատ շնորհակալ եմ, որ մեր տեր թագավորը իր ճոխ պալատի համար իր ծառայի աղքատիկ խրճիթից մի զարդ է ուզում տանել: Գուցե այդպիսի մի զարդ, ինչպես ասացիք գորգի համար, չկա նրա պալատի մեջ, բայց ճշմարիտն ասում եմ ձեզ՝ իմ ձեռին չէ տալն ու շտալը: Ահա կզա ինքը, իրան կհարցնեք. Եթե կհոժարի, ես ոչինչ չունիմ [Ա.101](#) ի:

Հենց այս խոսակցության ժամանակ եկավ Անահիտը, որ իրանց այզումն էր եղել, ձեռին մի զամբյուղ խաղողով, դեղձով և տանձ ու խնձորով լիքը: Գլուխ տվավ հյուրերին, որոնց մասին իրան իմաց էին տվել, որ քաղաքից եկած իշխաններ են, և զամբյուղը ներս տանելով՝ միշի եղածը դարսեց մի նոր կենկած մեծ սինու մեջ և բերավ դրավ հյուրերի առջև: Ինքը գնաց իր ոստայնի մոտ, վեր առավ նրա երեսից սավանը և սկսեց շարունակել իր կիսատ թողած գործը: Իշխաններն սկսեցին նայել, որ տեսնեն՝ ինչպե՞ս է գործում Անահիտը, և մնացին ապշած նրա արագաշարժ մատների ճարպիկության վրա:

— Անահի՛տ, ինչո՞ւ ես մենակ գործում,— հարցրեց Վաղինակը,— ես լսել եմ, որ դու աղջիկ աշակերտներ շատ ունի:

— Այո՛, ունիմ մի քան հոգի,— պատասխանեց Անահիտը,— բայց որովհետև հիմա այգեկոր է, արձակել եմ: Այստեղ էլ լինին, չեմ քանեցնիլ սրա վրա: Այս մեկ հատը ես մենակ պետք է գործեմ:

— Լսել եմ, որ դու քո աշակերտներին կարդալ էլ ես սովորեցնում:

— Այո՛, սովորեցնում եմ: Հիմա մեզանում ամեն մարդ պարտական է կարդալ գիտենալ: Այս վերջին օրերս Էլի եկավ ծերունի Մեսրոպը և սաստիկ պատվեր տվավ, որ ամեն մարդ կարդալ սովորե, որ ամեն մարդ ի՞նքը կարդա Ավետարանը և հասկանա: Հիմա մեր հովիվներն էլ գիտեն կարդալ և միմյանց սովորեցնում են իրանց հոտն արածացնելիս: Այժմ եթե մեր անտառները պտտես՝ բոլոր հաստ ծառերի կեղևները գրոտած կտեսնես: Անցյալ օրը ես մի ծառի վրա տասը տուն սաղմոս կարդացի: Մեր քերդերի պարիսպները, ժայռերի ճակատները ածխագրերով լցրել են: Մեկը Ավետարանից մի տուն գրում է կամ այնքան է գրում, ինչքան անզիր գիտե, հետո մյուսներն են շարունակում: Ահա՝ այսպես սար ու ձոր լցվել է գրերով:

— Մեր մեջ ուսումն այդշափ տարածված չէ, ըստ որում՝ մերոնք ծոյլ են, բայց ես հոյս ունիմ, որ երբ քեզ տանենք մեր քաղաքը՝ դու մեր ծոյլերին արիաշան կշինես: Մի բոլք քող քո գործը, Անահի՛տ, և եկ այստեղ, քեզ քան ունինք ասելու: Տե՛ս, ահա՝ քեզ համար ինչե՞ր է ուղարկել մեր թագավորը:

Վաղինակն այս ասելով՝ բաց արավ մի կապոց և նրա միջից հանեց ուկի զարդարանքներ և մետաքսն հագուստներ:

Անահիտն այդ բաները տեսնելով՝ ամենևին չհափշտակվեց և շտեսի նման չզարմացավ, այլ՝ համեստ կերպով հարցրեց.

— Կարելի՞ է արդյոք իմանալ, թե այդ պատիվն ինչո՞ւ համար է արել ինձ թագավորը:

— Մեր թագավորի որդին՝ Վաչագանը, քեզ տեսել է աղբյուրին. դու նրան ջուր ես տվել, և նա քեզ շատ հավանել է: Հիմա թագավորը մեզ ուղարկել է, որ քեզ նշանենք իր որդու վրա: Ահա ա՛յս մատանի է, ա՛յս ապարանջան է, ա՛յս մանյակ է, սրանք կոճակներ են, մի խոսքով՝ քեզ համար են այս ամենն էլ:

— Ուրեմն, իմ տեսած որսորդը թագավորի որդի՞ն է եղել:

— Այո՛:

— Նա շատ լավ երիտասարդ էր: Բայց արդյոք գիտե՞ մի որևիցն արհեստ:

— Նա թագավորի որդի է, Անահի՛տ, նրան ի՞նչ արհեստ է հարկավոր. ողջ աշխարհի տերը նա՛ է, ամենքն էլ նրա ծառաներն են:

— Գիտեմ, որ այդպես է, բայց ո՞վ գիտե, աշխարհը է, այսօրվան ծառաների տերը վաղը կարող է ի՞նքը լինել ծառա, թեև նա թագավոր էլ լինի եղած: Արհեստը մի այնպիսի բան է, որ ամենայն մարդ պիտի գիտենա, թե՛ ծառա լինի, թե՛ տեր, թե՛ թագավոր և թե՛ իշխան:

Այսպես որ ասաց Անահիտը՝ իշխանները մնացին իրար երեսի մտիկ տալիս: Նայեցին Առանին, տեսան, որ նա շատ հավան է աղջկա ասածին: Հետո դարձան Անահիտին ու կրկին հարցրին.

— Ուրեմն, դու թագավորի որդուն չպիտի ուզես միայն նրա համար, որ նա արհեստ չգիտե՞ :

— Այո՛, և այս ամենը, ինչ որ բերել եք, ես կտանեք և կասեք, որ ես իրան շատ հավանում եմ, միայն թող ներե ինձ, որ ես ուխտ եմ դրել՝ արհեստ չգիտցող մարդու չգնալ: Եթե կամենում է, որ ես իր ամուսինը լինիմ, թող նախ և առաջ մի արհեստ սովորի:

Իշխանները տեսան, որ Անահիտը հաստատ է իր ասածին, էլ չստիպեցին: Նոյն զիշերը մնացին Առանի տանը: Անահիտը նրանց լավ հյուրասիրություն ցույց

տվավ և մի թագավորի հերիաք պատմեց, թե ինչպե՞ս նա շատ արհեստներ է սովորել, հետո իր ժողովրդին էլ սովորեցրել և դրանով իր երկիրը շատ հարստացրել: Իշխանները, տեսնելով, որ ճշմարիտ է Անահիտի ասածը, ամաչում էին, որ իրանք ոչ մի արհեստ չգիտեն, միայն Վաղինակն սկսեց պարծանքով ասել, որ ինքը շատ լավ ոսկերչություն գիտե, թե ինքն այդ սովորել է թագավորի պալատական վարպետից: Մյուս օրը վեր կացան, գնացին և ինչ որ տեսել, լսել էին՝ մի առ մի պատմեցին թագավորին: Թագավորն ու թագուհին երբ լսեցին Անահիտի վճիռը, շատ ուրախացան՝ կարծելով, թե Վաշագանը չի ընդունիլ նրա առաջարկությունը և ձեռք կվերցնե նրանից. բայց երբ կանչեցին իրան և հայտնեցին՝ նա ասաց.

— Շատ ուղիղ է ասել Անահիտը. ամենայն մարդ պետք է մի արհեստ գիտենա, թագավորն էլ մարդ է, նա էլ պետք է գիտենա մի արհեստ:

— Ուրեմն, դու հոժա՞ր ես մի արհեստ սովորելու,— հարցրեց մայրը:

— Այո՛:

— Բայց ուղի՛ղն ասա, ինչո՞ւ համար ես ուզում սովորել. արհեստի կարևորությո՞ւնն զգալով, թե՛ Անահիտին արժանանալու համար:

— Երկուսն էլ... ինչո՞ւ թաքցնեմ,— պատասխանեց Վաշագանը և հեռացավ իսկույն, որ երեսի կարմրիլը ծածկե իր ծնողներից...

Թագավորը տեսավ, որ որդին հոժար է մի արհեստ սովորելու, խորհրդի կանչեց իշխաններից մի քանիսին, և նրանք միաձայն վճռեցին, թե՛ նրան վայելուշ արհեստը լավ դիպակ [7] գործելն է, որ չկա իրանց երկրի մեջ և հեռավոր երկիրներից են բերել տալիս շատ թանկ գնով: Մարդիկ ուղարկեցին և խորին Պարսկաստանից մեկ հմուտ վարպետ բերել տվին Վաշագանի համար: Մի տարվա մեջ Վաշագանն այնպես սովորեց դիպակ գործելը, որ իր ձեռքով ոսկեթելից մի քանչոնացու գործեց Անահիտի համար և Վաղինակի ձեռքով ուղարկեց նրան ընծառ:

Անահիտը, ստանալով այդ ընծառ, ասաց.

— Հիմա ոչինչ չունիմ ասելու.

Երբ կանճարանա,  
Չուլիակ կըդառնա:

Հայտնեցե՞ք թագավորի որդուն իմ հոժարությունը և իմ կողմից Էլ իմ նոր գործած գորգը տարե՞ք նրան ընծած:

Վաղինակը վեր առավ գորգը և, ձին հեծնելով, շտապեց դեպի Բարդա, որ մի բույս առաջ ավետե Վաչագանին Անահիտի հոժարությունը:

Սկսեցին հարսանիքի պատրաստություն տեսնել, և յոթն օր, յոթր գիշեր հարսանիք արին: Այդ հարսանիքը մի չտեսնված մեծ տոնակատարության պես եղավ բոլոր երկրի համար: Գյուղացոց ուրախությանն էլ չափ չկար: Նրանք ուրախանալու առիթներ շատ ունեին, նախ՝ որ շատ սիրում էին թագավորին և նրա որդուն. երկրորդ՝ որ Անահիտը նրանց մեջ մեծ համբավ էր ստացել, և նրա գրության վրա մեծ հույս ունեին. երրորդ՝ որ թագավորը հարսանիքի օրը հրաման էր հանել, որ երեք տարի ժամանակով գյուղացոց բոլոր հարկերը ընծայված <sup>104</sup> լինի: Եվ դրա համար էլ գյուղացիք երկար ժամանակ երգում էին.

Անահիտի հարսանիքին ոսկի արև փայլեցավ.

Անահիտի հարսանիքին ոսկի անձրև թափվեցավ.

Մեր արտերը ոսկի դառան, մեր հորերը լցվեցան.

Մեր հարկերը անհետացան, մեր ցավերը վերացան.

Շատ ապրի Ոսկեծոցին<sup>[8]</sup>

Մեր մայր թագուհին...

## Է

Անահիտի փառավոր հարսանիքին ներկա չէր Վաղինակը: Մեկ օր թագավորը նրան մի հանձնարարությունով ուղարկեց Պերոժ քաղաքը, որ շատ հեռու չէր Բարդայից, և այն գնալն էր, որ գնաց. Էլ ետ չեկավ: Շատ հարց ու խնդիր եղան, ման եկան, որոնեցին, բայց Վաղինակը կորավ ու կորավ:

Վաղինակին որոնելու գնացող մարդիկ լուր բերին թագավորին, թե՝ անհայտ եղած մարդիկ շատ կան, և ոչ ոքի հայտնի չէ, թե ինչպես են անհետանում այդ մարդիկը և ո՞ւր են կորչում:

Թագավորը կարծեց, թե՝ երևի ավագակ գերեվաճառեր կան, նրանք են զալիս զողանում և տանում Կովկասյան լեռներում բնակող բարբարոս ազգերի մեջ վաճառում: Ճարպիկ լրտեսներ ուղարկեց այն երկրները, նրանք գնացին, գյուղեցյուղ, քաղաքեքաղաք ման եկան, բայց ոչ մի հետք չգտնելով՝ ետ դարձան հուսահատ:

Վաղինակի այդպես անհետ կորչիլը մեծ ցավ պատճառեց թագավորին: Նա ցավում էր ոչ միայն նրա համար, որ նրան որդու պես էր սիրում, այլև՝ նրա համար, որ իր երկրի մեջ մի այդպիսի անսովոր բան էր պատահում, և ինքը չէր կարողանում հետքը գտնել:

Այս դեպքից հետո շատ շանցած՝ թագավորն ու թագուհին վախճանվեցան, խորին ծերության հասած: Բոլոր երկիրը սուզ պահեց նրանց համար մինչև քառասուն օր: Քառասուն օրից հետո հավաքվեցին բոլոր քաղաքացիք և Վաշագանին իր հոր տեղը նստեցրին:

Վաշագանը, իր նախնյաց զահը բարձրանալով, ուզեց իր երկիրը այնպես բարեկարգել, որ Էլ ոչ մի հոգի ոչ մի բանից դժգոհ չլինի, ամենքն Էլ ուրախ լինին, ամենքն Էլ՝ բախտավոր: Իր ամենամոտիկ խորհրդակիցը Անահիտն էր: Առաջ նրա հետ էր խորհրդակցում միշտ և հետո ժողովրդից խելացի մարդկանց հրավիրում խորհրդի և նրանց հայտնում իր միտքը: Բայց Անահիտը այսքանը բավական չհամարեց, և մեկ օր նրա հետ սկսեց այսպես խոսիլ.

— Տե՛ր իմ թագավոր, ես տեսնում եմ, որ դու քո երկրիդ մասին մանրամասն ու ստույգ տեղեկություններ չունիս: Քո հրավիրած մարդիկը ամեն բան ուղիղը չեն ասում: Նրանք քեզ միամտացնելու և ուրախացնելու համար ասում են՝ ամեն բան լավ է և կարգին, ամենքն Էլ գոհ են իրանց վիճակից: Ո՞վ գիտե, ինչե՛ր են լինում այս բովեիս քո երկրիդ մեջ, որոնց մասին այդ մարդիկը ոչ մի տեղեկություն չեն տալիս քեզ: Դու ժամանակ առ ժամանակ պետք է զանազան հազուսով ու կերպարանքով ման զաս երկրիդ մեջ, երբեմն աղքատի ձևով մուրացկանություն պետք է անես, երբեմն մշակի հազուսով պիտի երթաս նրանց հետ մշակություն անես, երբեմն՝ վաճառականություն, մի խոսքով՝ ամեն վիճակի մեջ Էլ պետք է մտնես, որ ամեն վիճակի Էլ մոտիկ ծանոթանաս: Աստված ամենի համար Էլ քեզանից հաշիվ է պահանջելու. դու նրա փոխանորդն ես քո երկրիդ վրա, պետք է անձայն ինչ տեսնես, և բատ այնմ քո անելիքդ անես:

— Դու շատ ճշմարիտ ես ասում, Անահի՛տ,— ասաց թագավորը:— Հանգուցյալ հայրս այդ սովորությունն ուներ, ինչ որ դու ասում ես. միայն ծերության ժամանակ Է՛լ չէր կարողանում կատարել իր ուզածը: Ես իմ որսորդության ժամանակ համարյա միևնույն էի անում, բայց հիմա ինչպե՞ս անեմ. ես որ երթամ՝ ո՞վ կկառավարի իմ տեղս:

— Ես ի՞նքս կկառավարեմ, և այնպես կանեմ, որ ոչ ոք չի իմանալ, որ դու բացակա ես:

— Շա՞տ լավ. ես հենց վաղը կարող եմ ճանապարհ ընկնիլ: Քսան օր ժամանակ եմ դնում, երբ որ քսան օրն անցնի, և ես չգամ՝ իմացի՛ր, որ ես կենդանի չեմ կամ

մի փորձանքի մեջ եմ ընկել:

## Ը

Վաշագան քազավորը, հասարակ շինականի հազուատով ծպտված, ճանապարհ ընկավ դեպի իր երկրի հեռավոր կողմերը: Շատ բան տեսավ, շատ բան լսեց, բայց ամենից անցավ այն, ինչ որ նա տեսավ իր վերադարձին Պերոժ քաղաքումը:

Պերոժ քաղաքը, որ այժմ անհետացած է, գտնվում էր Կուր գետի ափումը: Բնակիչները կուապաշտ պարսիկներ էին: Կային և հայ քրիստոնյաներ, բայց շատ սակավ էին և շունեին ո՞չ քահանա և ո՞չ աղոթատուն:

Քաղաքի կենտրոնումը կար մի շատ ընդարձակ հրապարակ, որ քաղաքի շուկան էր. նրա չորս կողմն էին գտնվում բոլոր արհեստավորների և վաճառականների խանութները:

Մի օր այդ հրապարակումը նստած էր Վաշագանը, մեկ էլ տեսավ՝ ահա՝ մի խումբ մարդիկ են գալիս և բերում են իրանց հետ մի փառավոր և սպիտակ մորուքով ծերունի՝ աջ ու ձախ բազուկները բարձրացրած: Ծերունին շատ ծանր էր գալիս. նրա առջև սրբում էին ճանապարհը և աղյուսներ դնում ոտների տակին: Վաշագանը մոտեցավ մի մարդու և հարցրեց, թե՝ ո՞վ է այդ ծերունին: Մարդը պատասխանեց.

— Սա մեր մեծ քրմապետն է, մի՞թե չես ճանաշում: Տես որքա՞ն սուրբ է, որ ոտք գետնին չի դնում, որ չլինի թե՝ մի որևէ միջատ ընկնի ոտքի տակը և սպանվի:

Հրապարակի ծայրումը մի կապերտ փոեցին, և քրմապետը չորեց նրա վրա, որ հանգստանա: Վաշագանը գնաց նրա դիմացը կանգնեց, որ տեսնի՝ ի՞նչ է խոսում այդ մարդը կամ ի՞նչ է անում: Քրմապետը շատ սրատես էր. նա էլ Վաշագանի վրա նայեց և, նկատելով նրա օտարական լինելը և առաջին անգամ իրան տեսնիլ՝ ձեռով արավ, որ գնա մոտը: Վաշագանը մոտեցավ:

— Դու ո՞վ ես, ի՞նչ գործի ես,— հարցրեց քրմապետը:

— Ես մի օտար բանվոր եմ,— պատասխանեց Վաշագանը,— եկել եմ այս քաղաքը մշակության:

— Շա՞տ լավ, կզա՞ն ինձ հետ, ես քեզ գործ կտամ և լավ կվարձատրեմ: Վաշագանը, գլուխ տալով՝ հոժարություն ցույց տվավ և գնաց կանգնեց նրա հետ եղած մարդկանց մոտ:

Քրմապետն իր մոտ եղած քուրմերին մի քանի խոսք փսփսաց, և նրանք ցրվեցան այս ու այն կողմ և մի քանի բոպեից վերադարձան այլևայլ պաշարներով՝ մշակների շալակը տված:

Եթք որ քոլոր քուրմերը եկան՝ քրմապետը վեր կացավ և միևնույն հանդիսով ճանապարհ ընկավ դեպի իր բնակարանը: Վաշագանն էլ լուս ու մունջ հետևեց նրան՝ ավելի հետաքրքրությունից շարժված, որ տեսնի՝ ինչո՞վ են զբաղված այդ քուրմերը, կամ ի՞նչ մարդ է քրմապետը, ի՞նչ բարեգործություններ ունի, որ այդպես սուրբի պես պաշտվում է: Այսպես գնացին մինչև քաղաքի ծայրը:

Այդտեղ քրմապետը, օրինելով ճանապարհ ձգող ջերմեռանդ կռապաշտներին, ետ դարձրեց, մնացին միայն իր քուրմերը և բեռնակիր մշակներն ու Վաշագանը: Դրանք շարունակեցին իրանց ճանապարհը և, հեռանալով քաղաքից մոտ երկու վերստ՝ հասան մի պարսպապատ շենքի և կանգ առան նրա երկարի դոան մոտ: Քրմապետն իր զրպանից հանեց մի ահազին բանալի, բաց արավ դուռը և, ամենին ներս անելով՝ կրկին կողպեց: Այստեղ Վաշագանը մի անսովոր սարսուն զգաց՝ տեսնելով, որ այստեղից իր կամքով դուրս գնալու հնար չի ունենալու: Վաշագանի հետ եղած մշակներն էլ առաջին անգամն էին մտնում այս շենքի մեջ: Նրանք ամենքն էլ, իրար երեսի նայելով, սկսեցին փսփսալ, թե՝ ո՞ւր բերին մեզ այս մարդիկը: Վերջապես, պարսպի կամարակապ ճանապարհն անցնելուց հետո, դրանց առջև բացվեց մի շատ ընդարձակ իրապարակ, որի մեջտեղը կար մի զմբեթահարկ մեհյան՝ մանր խուցերով շրջապատված: Մշակների բեռները ցած դնել տվին այդ խուցերի մոտ, և նրանց՝ Վաշագանի հետ միասին, քրմապետը տարավ մեհյանի մյուս կողմը, այնտեղ բաց արավ մի նոր երկարի դուռ և ասաց.

— Գնացե՛ք ներս, այդտեղ ձեզ գործ կտան:

Նրանք մոլորվածի պես լուս ու մունջ ներս մտան, և քրմապետն այդ դուռն էլ փակեց նրանց քամակից: Այստեղ մեր օտարականները նոր ուշքի եկան, նոր աչք բայց նարին և տեսան, որ մի ստորերկրյա ճանապարհի վրա են կանգնած:

Թ

— Տղե՛ք, ի՞նչ տեղ ենք մենք, չգիտե՞ք,— հարցրեց Վաշագանը:

— Ես գիտեմ, որ մենք թակարդի մեջ ենք ընկել, Է՛լ այստեղից ազատվելու շենք,  
— ասաց մեկը:

— Բայց չէ՞ որ այս մարդը սուրբ մարդ է, մի՞թե այդպես բան կանի,— ասաց մի ուրիշը:

— Ինչո՞ւ չի անիլ. երևի այս սուրբ մարդը գիտե, որ մենք մեղավոր ենք, սրա համար մեզ բերավ ձգեց իր քավարանը, որ մեղքներս ապաշխարենք:

— Տղե՛րք, կատակի ժամանակ չէ,— ասաց Վաչագանը:— Ես կարծում եմ, որ այդ դաժան ծերունին սուրբի անուն առած մի զարհուրելի դե է, և մենք կանգնած ենք այժմ նրա դժոխրի ճանապարհի վրա: Տեսե՛ք՝ ինչպես խավար է, ինչպես մութ, և դեռ ով գիտե՞ ի՞նչ տանջանքներ կան մեզ համար պատրաստված: Բայց ինչո՞ւ ենք քարացել կանգնել այստեղ. Էլ հավիտյան բացվելու չէ՝ այս դուռը, եկե՛ք առաջ գնանք, տեսնենք՝ ո՞ր է տանում մեզ այս անդառնալի ճանապարհը:

Այդ ճանապարհով բավականին առաջ գնացին, և հանկարծ նրանց աչքին մի ճրագի աղոտ լուս երևաց: Գնացին դեպի ճրագը, և նրանց առջև բացվեց մի լայն քարահատակ, որի շորս կողմից լսվում էին խառնաշփոթ աղաղակներ: Վեր նայեցին և տեսան, որ մի արհեստական քարայրի մեջ են գտնվում: Դա շինված էր ցորենի հորի պես. վերևից սկսել էին փորել ժայռը, և որքան ցած էին իջել, այնքան լայնացրել էին, և այս կերպով միապաղադ քարի մեջ շինել էին մի ստորերկրյա զմբեթաձև ընդարձակ սրահ:

Մեր կալանավորները մի կողմից՝ ապշած գննում էին անելանելի բանտը, մյուս կողմից՝ խլշած ականջ էին դնում, որ տեսնեն՝ որտեղից էին գալիս խառնաշփոթ ձայները: Հենց ա՛յս միջոցին նրանց դիմացը երևաց մի ստվեր, որ հետզհետե մոտենալով ու թանձրանալով՝ մարդու նմանություն առավ: Վաչագանն առաջ գնաց դեպի այդ ստվերը և բարձրաձայն կանչեց.

— Ո՞վ ես դու, սատանա՞ ես, թե՞ մարդ. մոտեցիր մեզ և ասա՛, որտե՞ղ ենք գտնվում մենք:

Ուրվականը մոտեցավ և դոդողալով կանգնեց նորեկների առջև: Դա մի մարդ էր, մեռելի կերպարանքով, աչքերը խոր ընկած, այտերը ցցված, մազերը քափված, մի մերկ կմախք, որի բոլոր ոսկորները համրվում էին: Այդ կենդանի մեռյալը, սրացած ծնոտիքը հազիվ շարժելով, հեկեկալով ու կակազելով, ասաց.

— Եկե՛ք իմ հետևիցս, ես ձեզ ցույց կտամ, թե ի՞նչ տեղ եք ընկել դուք:

Գնացին մի նեղ անցքով և մտան մի ուրիշ բույն. այնտեղ տեսան սառը գետնի վրա վայր թափված մերկ մարդիկ, որոնք աղեկտուր տնքոցով փչում էին իրանց վերջին շունչը: Այդտեղից անցան մի ուրիշ որշ և այնտեղ տեսան կարգով շարված ահազին կաթսաներ, որոնց մեջ կերակուր էին եփում մի քանի մեռելազոյն մարդիկ: Վաչագանը մոտեցավ այդ կաթսաներին, որ տեսնե՝ ի՞նչ է նրանցում եփվածը, և երբ տեսավ, քստմնելով ետ քաշվեց և ընկերներին շասեց, թե ի՞նչ էր տեսածը: Այդտեղից մտան մի ավելի երկար սրահ և այդտեղ տեսան

զանագան արհեստավորներ խառնիխուուն աշխատելիս. մի քանիսը մի-մի քան էին ասեղնագործում, մյուսները նրանց կողքին մի-մի քան էին հյուսում, մի քանիսը կար էին անում, մյուսները՝ ուկերչություն: Այսպես հարյուրաշափ մարդիկ այստեղ աշխատում էին աղոտ լուսի տակ, ամենքն էլ մեռելի գոյն առօնութեան:

Այս ամենը ցոյց տալուց հետո առաջնորդող մարդը կրկին տարավ նրանց առաջվա սրահը և այնտեղ ասաց.

— Այն դիվական ծերունին, որ ձեզ խաբել բերել է, մեզ ամենիս էլ նա՛ է բերել այստեղ: Թե քանի ժամանակ է, որ ես այստեղ եմ, ինձ հայտնի չէ, որովհետև այստեղ օր ու գիշեր չկա, այլ՝ կա միայն մի անվերջ խավար: Այսքանը միայն գիտեմ, որ ինձանից առաջ և ինձ հետ եկող մարդիկը կոտորվել են ամենքն էլ: Այստեղ բերում են երկու տեսակ մարդիկ, արհեստավոր և անարհեստ: Արհեստավորներին աշխատեցնում են մինչև իրանց մահը, իսկ արհեստ չգիտողներին տանում են սպանդանոց, որ ես ձեզ ցոյց շտվի, և այնտեղից բերում են այն խոհանոցը, որ դուք տեսաք: Ահա մի այսպիսի զարհութելի տեղ է այս տեղը: Ծերունի դեր մենակ չէ, նա ունի հարյուրավոր գործակիցներ, որոնք ամենքն էլ քուրմեր են: Այս դժոխքի վրա է նրանց բնակարանը:

— Դու ա՛յս ասա՝ հիմա մեզ ի՞նչ են անելու,— հարցրեց Վաչագանը:

— Միևնույնը կանեն, ինչ որ մյուսներին: Ով որ ձեզանից արհեստ գիտե՛ կապրի մինչև մեռնիլը, իսկ ով որ չգիտե՛ նրան կտանեն սպանդանոց: Ես հիմա մեռելատանն եմ, ըստ որում՝ հայտնեցի, որ է՛լ աշխատելու ուժ չունիմ: Բայց Աստված հոգիս չի առնում, երևի ուզում է ինձ լուս աշխարհի արժանացնել. և գիտե՞ք, ես հավատում եմ, որովհետև երազումս ինձ երևաց մի կիճարմատ՝ գլխին թագաձև սաղավարտ, ձեղին երկսայրի սուր, մի հրեղեն ձիու վրա նստած, և ասաց ինձ. «Մի՛ հուսահատվիր, Վաղինա՛կ, ես կգամ շուտով և ձեզ ամենիդ կազատեմ»: Ես վաղուց մեռած կլինեի, եթե այդ հրաշագեղ թագուիին ինձ հույս տված չլիներ. նրա տված հույսը իմ հոգուս սնունդ է տալիս, և ինչքան թույլ ես մարմնով, այնքան ուժեղ եմ հոգով: Ա՛յս, ի՛մ Վաչագան, որտե՞ղ ես, ինչո՞ւ ես մոռացել քո Վաղինակին...

Վաչագանը, որ մինչև այս ժամանակ մի թմրած վիճակի մեջ էր, և պատմողի խոսքերը միայն դնդնացնում էին նրա ականջի թմբուկը՝ առանց տպավորվելու մտքի վրա, վերջին խոսքերից սրավիվեց նա իբրև մի խոր քնից և սկսեց հիշել երազի նման «քազուիի», «Վաղինակ», «Վաչագան» բառերը: «Ուրեմն, սա մեր Վաղինակն է»,— մտածեց նա: Այս մտածելով և ուշքի զալով՝ ուզում էր վրան ընկնիլ և զգվիլ, ուզում էր հայտնել, թե՛ ի՞նքն է Վաչագանը, բայց մեկ էլ

Հիավատալով իր ականջին՝ կրկին հարցրեց, թե ո՞վ է նա և ինչպե՞ս է ընկել այստեղ:

Վաղինակն իր պատմությունն սկսեց շատ հեռվից և Վաշագանին անծանոթ առարկայից: Իսկ այդ միջոցին Վաշագանն սկսեց մտածել, որ լավ չի լինի, եթե ինքը հանկարծ հայտնե իր ով լինիլը, ըստ որում՝ մի այդպիսի հայտնություն, թե՛ ուրախություն և թե՛ կսկիծ լինելով՝ կարող էր սրի պես կտրել նրա կյանքի բարակացած թելը: Այս պատճառով ընդհատեց նրա պատմությունը՝ ասելով.

— Քո անունդ, ինչպես լսեցի, Վաղինա՞կ է:

— Վաղինակ է, այո՛, Վաղինակ... ես մի ժամանակ...

— Եղբա՛յր Վաղինակ, շատ խոսիլք քեզ շատ վնաս է: Ապրի՛ր մինչև քո երազը կատարվի: Ես հավատում եմ քո երազին և շնորհակալ եմ, որ հայտնեցիր մեզ: Այսուհետև մենք էլ կապրինք այդ հույսովը: Լավ կանես, որ քո մյուս արհեստակիցներին էլ հայտնես քո երազը: Ես ինքս երազ մեկնող եմ, հավատացնում եմ քեզ, որ երազդ պիտի կատարվի տեսածիդ պես: Բայց ահա <sup>109</sup> այս ձայն է զալիս, դու գնա՛ քո տեղը:

Ժ

Վաշագանի հետ եկածները թվով վեց հոգի էին: Հարցրեց նրանց, թե արդյոք մի որևիցն արհեստ գիտե՞ն: Մինն ասաց, որ գիտե կտավ գործել, երկրորդը դերձակություն գիտեր, երրորդը մետաքսագործ էր, մյուս երեքը ոչ մի արհեստ չգիտեին:

— Վնաս չունի, որ դուք արհեստ չգիտեք,— ասաց Վաշագանը,— ես կասեմ, որ դուք ամենքդ ինձ արհեստակից եք, իսկ ես շատ լավ արհեստ գիտեմ:

Ոտնաձայնը, արձագանք տալով, հետզհետև մոտեցավ, և նրանց առջև կանգնեց մի դաժանատեսիլ քուրմ՝ հետն առած մի խումք զինված մարդիկ:

— Դո՞ւք եք նոր եկածները,— հարցրեց քուրմը:

— Այո՛, ծառաներդ ենք,— պատասխանեց Վաշագանը:

— Ձեզանից ո՞վ է արհեստ իմանում:

— Մենք ամենքս էլ գիտենք,— ասաց Վաշագանը,— գիտենք շատ թանկագին դիպակ գործել: Մեր գործվածքի մի կշիռը հարյուր կշիռ ուկի կարծե: Մենք մեծ գործարան ունեինք, բայց պատահմամբ կրակ ընկավ այրվեց, և մենք ընկանք

պարտի տակ ու խեղճացանք: Եկանք քաղաք, որ մի գործ զտնենք մեզ համար, հանդիպեցանք մեծ քրմապետին, և նա մեզ բերավ այստեղ:

— Շա՞տ լավ. բայց մի՞թե ճշմարիտ այդշափ թանկ կարժե ձեր գործվածքը:

— [110] Եր ասածի մեջ սուտ չկա, չէ՞ որ պիտի ստուգեք:

— Իհարկե, ես շուտով կիմանամ, թե՝ որքա՞ն ճշմարիտ է ձեր ասածը. իհմա ասացե՞ք՝ ի՞նչ նյութեղեն և գործիքներ են հարկավոր, որ ես բերեմ:

Վաշագանք հայտնեց մի առ մի, թե ինչ ու ինչ է հարկավոր: Մի քանի ժամից հետո ամեն ինչ պատրաստ էր: Չուրմը պատվիրեց, որ երթան արհեստատունը, այնտեղ աշխատեն և նրանց հետ կերակրվին:

— Այնտեղ մեր գործը լավ չի հաջողիլ,— ասաց Վաշագանք:— Մեզ հարկավոր է ջոկ և ընդարձակ տեղ, և այս տեղը ամենից հարմար է: Մեր գործի նրբությունը պահանջում է առատ լույս, աղոտ լույսի տակ ոչինչ չենք կարող կատարել. իսկ ինչ վերաբերում է մեր կերակուրին, պետք է գիտենաք, որ մենք մսակեր չենք, սովոր չենք այդ կերակուրին. հենց որ միս ուտենք, իսկույն կմեռնինք, և դուք կզրկվիք այն մեծ օգուտից, որ մեզանից կարող եք ստանալ: Ճշմարիտն եմ ասում, որ մեր գործի մի քաշը հայրուր քաշ ուկի կարժե...

— Շա՞տ լավ,— ասաց քուրմը,— ես ձեզ համար կուղարկեմ հաց և բուսեղեն կերակուր, դուք կունենաք և առատ լույս, բայց եթե մեր գործը այնպես չլինի, ինչպես խոստանում եք, ես ձեզ ամենիդ սպանդանոց կուղարկեմ և սպանելուց առաջ ենթարկել կտամ չարաշար տանջանքների:

— Մեր ասածի մեջ ոչինչ սուտ չկա. Եթե ուզում եք մեր խոստացած շահն ստանալ, պետք է միայն կատարեք մեր ուզածը:

Չուրմը կատարեց իր խոստումը: Նրանց համար ուղարկում էր սպիտակ հաց, կանաչեղեն, կաթ, մածուն, պանիր և զանազան չոր ու թարմ մրգեր: Վաղինակն էլ մասնակցեց այդ սնունդին, մյուսներին էլ նշխարքի պես բաժանում էին ծածկաբար սպիտակ հացից, որ հաղորդության տեղ էր բռնում և կենաց հացի պես կենդանություն տալիս նրանց: Վաղինակը նոր սնունդի ազդեցությունով հետզհետեւ կազդուրվեց և կենդանի մարդու կերպարանը առավ: Վաշագանն սկսեց իր գործը և իր ընկերներին էլ իրան օգնական շինեց: Կարծ միջոցում պատրաստեց մի կտոր շատ պատվական դիպակ այնպիսի նախշերով, որոնց եթե ուշադրությամբ գննեին և իմանային նրանց խորհուրդը՝ նույն դժոխքի պատմությունը պիտի կարդային նրանց մեջ:

Քուրմը եկավ, տեսավ պատրաստած դիպակը և մնաց հիացած: Վաշագանը, ծալելով իր գործքը ինչպես պետք էր և հանձնելով քուրմին, ասաց.

— Ես առաջ ասացի, որ մեր գործվածքի մի կշիռը հարյուր կշիռ ոսկի կարծե, բայց հիմա հարկավոր եմ համարում ասել, որ սա իմ ասածի կրկնապատիկը կարծե, ըստ որում՝ սրա վրա կան այնպիսի թալիսմաններ, որ հազնողին միշտ զվարք և ուրախ կպահեն: Այս կա միայն, որ հասարակ մարդիկը սրա գինը չեն իմանալ: Սրա գինը կիմանա միայն Անահիտ թագուիին, և բացի նրանից ոչ ոք չի էլ համարձակի հազնի մի այսպիսի թանկագին գործվածք:

Արծաթամոլ քուրմը աչքերը շորս բաց արավ, երբ որ իմացավ դիպակի իսկական արժեքը: Այս մասին նա խորամանկ քրմապետին ոչինչ շհայտնեց և մինչև անգամ ցույց շտվավ նրան: Ուզեց, որ թագուիու տեսությանը միայն ի՞նքն <sup>ալլ</sup> մանանա, և նրանից առած ավելի ոսկիքը ի՞նքը վայելի…

## ԺԱ

Անահիտը Վաշագանի բացակայության ժամանակ լավ էր կառավարում երկիրը, և ամենքն էլ գոհ էին՝ առանց իմանալու, թե նա՛ է կառավարողը, բայց ինքը սաստիկ մտատանջության մեջ էր ընկել, ըստ որում՝ քան օրից արդեն տասն օր էլ անցել էր, բայց թագավորը չէր վերադարձել: Նա գիշերը հանգիստ չուներ. սարսափելի երազներ էր տեսնում և հաճկարծ վեր թռչում: Ամեն քան փոխվել էր նրա աշքումը, և ամեն ինչ մի անսովոր հատկություն ստացել: Զանգին անդադար ոռնում ու վնգստում էր և, թագուիու ոտներն ընկնելով աղիողորմ կերպով կլանչում ու նրան ավելի ևս մտատանջության մեջ ձգում: Վաշագանի ձին անընդհատ խրխնջում էր մայրը կորցրած քուուկի պես և, իր ախորժակը կորցնելով՝ օրեցօր նիհարում էր: Մարի <sup>[9]</sup> հավերը կանչում էին աքաղաղի պես, իսկ աքաղաղները, փոխանակ լուսաբացին կանչելու՝ երեկոյին էին ծկլթում փասխանի ձայնով: Պարտիզի սոխակներն ընդհատել էին իրանց ծլվոցը, և նրանց տեղ լսվում էր գիշերները բուերի վայունը: Այլևս չէին քշքում թարթառի կոհակները՝ ուրախ-ուրախ թռչկոտելով, այլ, վա՛շ-վի՛շ-վա՛շ-վի՛շ անելով՝ անցնում էին պարսպի տակով տիսուր ու տրտում: Արիասիրտ Անահիտը մի անսովոր երկյուղի մեջ էր ընկել, և ի՛ր իսկ ստվերը նրա առջև վիշապի պես էր ձգվում: Մի հասարակ թիւկոցից, մի սովորական գոչյունից նա վեր էր թռչում և սարսում: Երբեմն ուզում էր կանչել իշխաններին և հայտնել նրանց թագավորի բացակայությունը և անհայտանալը, բայց վախենում էր, թե՝ միգուցե դրա հետևանքը վատ լինի, մի ապստամբություն ծագի երկրի մեջ և խոռվություն ընկնի:

Մեկ առավոտ էլ, սաստիկ սրտնեղած, ման էր գալիս պարտիզումը, երբ իր ծառաներից մինը ներս եկավ և հայտնեց նրան, թե՝ մի օտար վաճառական է եկել

և ասում է, որ մի երեկի բան ունի վաճառելու թագուհուն: Անահիտի սիրտն սկսեց մի անսովոր կերպով տրոփել: Հրամայեց, որ շուտով ներս քերեն այն մարդուն:

Ներս եկավ մի դաժան կերպարանքով մարդ, խոր գլուխ տվակ թագուհուն և արծաթե սինու վրա դրած մի ոսկե դիպակ դրակ թագուհու առջև: Անահիտը վեր առավ, քննեց դիպակը և, ուշ չդարձնելով նախշերի վրա, հարցրեց զինը:

— Իր կշռովը երեք հարյուր կշիռ ոսկի կարծե, ողորմա՛ծ թագուհի: Ուզում եմ ասել, որ ինձ վրա այդքան է նստել միայն գործքն ու նյութը, իսկ աշխատանքն էլ քողնում եմ քո ողորմության կամքին:

— Մի՞թե այդքան թանկ կարծե:

— Ո՞ղ լինի թագուիհն, դրա մեջ կա մի այնպիսի գորություն, որ անգնահատելի է: Դրա վրա եղած նկարները հասարակ նախշեր չեն, այլ՝ թալիսմաններ են, իսկ այդ թալիսմանները այն գորությունն ունին, որ դրա հագնողին միշտ զվարք, միշտ ուրախ կպահեն: Դրա հագնողը կյանքի մեջ տիրություն չի տեսնիլ:

— Մի՞թե այդպես,— ասաց Անահիտը և սկսեց բաց անել դիպակը և ուշի-ուշով զննել նրա նկարները, որոնք ոչ թե թալիսմաններ, այլ՝ ծաղկագրեր էին:  
Անահիտը լուս ու մունջ կարդաց նրանց մեջ հետևյալ խոսքերը.

«**Իմ աննմա՛ն Անահիտ,** ես ընկել եմ մի սոսկալի դժոխքի մեջ: Այս դիպակ քերողը նույն դժոխքի վերակացուներից մեկն է: Ինձ մոտ է և Վաղինակը: Դժոխքը <sup>112</sup> գնալում է Պերոժ քաղաքից դեպի արևելք, մի պարսպապատ մեհյանի հատուակում: Եթե շուտ օգնության շհասնես՝ մենք կորած ենք հավիտյան:»

Վաշագան»:

Անահիտը մեկ անգամ կարդալով շբավականացավ, երկրորդ և երրորդ անգամ էլ կարդաց, ըստ որում՝ իր աչքերին չեր հավատում. կարդաց և չորրորդ անգամ, միայն այս անգամ ոչ թե կարդում էր իսկապես, այլ մտածում էր, թե ինչ անելու է: Աչքը ձգած գրերին՝ երկար մտածելուց հետո դարձավ դեպի վաճառականի հագուստի մեջ ծպտած քուրմը և ուրախ դեմքով ասաց.

— Դու ճշմարիտ ես ասում, քո դիպակիդ նկարները ուրախացնելու գորություն ունին: Ես այսօր շատ տխուր էի, բայց այս բոպեիս մի անպատմելի ուրախություն եմ զգում: Իմ կարծիքով՝ այս դիպակը անգնահատելի է: Եթե սրա համար իմ թագավորության կեսը պահանջեիր՝ ես խնայելու չեի: Բայց զիտե՞ս ինչ կա, իմ կարծիքով՝ ոչ մի գործ կարող չե իր գործողից ավելի զորավոր լինել: Այսպե՞ս է, թե՞ ոչ:

— Թագուհին ո՞ղջ լինի, քո կարծիքը շատ ճշմարիտ է. արարածը կարող չէ հավասարվիլ արարողին:

— Եթե դու Էլ գիտես, որ այդպես է, պետք է քերես ինձ մոտ սրա գործողին, որ ես վարձատրեմ նրան նույնպես, ինչպես և քեզ: Դու Էլ լած կլինիս, որ ես արիեստին մեծ նշանակություն եմ տալիս և պատրաստ եմ ամեն մի լավ ալլաստավորին նույնպես վարձատրել, ինչպես իմ ամեն մի քաջ գորականին:<sup>113</sup>

— Ողորմա՛ծ թագուհի, ես տեսած չեմ դրա գործողին և չեմ ճանաչում: Ես մի վաճառական մարդ եմ, այս կտորը գնել եմ Հնդկաստանումը մի հրեայից, իսկ հրեան գնել էր մի արաբից, արաբն Էլ՝ ո՞վ գիտե ումից կամ ո՞ր աշխարհից:

— Բայց դու, կարծեմ, ասացիր, թե՝ գործն ու նյութը այսքան կարժե, և չասացիր, թե՝ ես այսքանով եմ գնել. դրանից երևաց, որ դու ի՞նք ես գործել տվել:

— Ողորմա՛ծ թագուհի, ինձ այդպես էին ասել Հնդկաստանումը, ես Էլ...

— Սպասի՛ր, որտե՞ղ է քո Հնդկաստանը. այստեղից մինչև Պերոժ կլինի՞:

— Ո՛չ, ողորմած տիրուհի, Պերոժը մեր կշտին է, իսկ Հնդկաստանը երեք-չորս ամսվա ճանապարհ է:

— Բայց գիտե՞ս, եթե ես ուզենամ՝ կարող եմ քո Հնդկաստանը մինչև Պերոժ մոտեցնել: Կարո՞՞ն ես ասել ինձ, թե՝ դու ո՞վ ես, ի՞նչ տեղացի ես, ի՞նչ ազգից ես, ի՞նչ կրոնի ես, որտե՞ղ ես ծնվել, որտե՞ղ ես կենում, այժմ ի՞նչ գործի ես ծառայում:

— Ողորմա՛ծ թագուհի...

— Լոի՛ր, ես քեզ ողորմելու չեմ. քո քերած թալիսմաններդ ինձ հայտնեցին քո ով լինելոց: Ծառանե՞ր, քոնեցե՞ք այս մարդուն և ձգեցե՞ք մթին բանտի մեջ:

## ԺԲ

Վաշագանն իր ազատվելու մասին Էլ ո՛չ մի կասկած չուներ: Կամենալով ընկերների մեջն Էլ ազատության հույսը սաստկացնել՝ դարձավ դեպի Վաղինակը և ասաց.

— Եղբա՛յր Վաղինակ, մի երազ Էլ ես տեսա բոլորովին քո տեսածի նման: Ես այնպես եմ կարծում, թե՝ մենք հենց այսօր թե այս գիշեր պիտի ազատվինք: Բայց գիտե՞ս ինչ կա, Վաղինա՛կ, մենք եթե այս խավարից հանկարծ լույս աշխարհ դուրս գանք՝ դրսի լույսը մեզ համար այնքան սաստիկ կլինի, որ մենք ոչինչ չենք

տեսնիլ, և կարելի է թե՝ մեր աշքերը վնասվին ել: Այս բանը ես նրա համար եմ ասում, որ երբ դուրս գալու կլինինք և կտեսնեք, որ լույսը ծակծկում է կամ ոչինչ չեք տեսնում, փակեցե՛ք աշքներդ, մինչև քիշ-քիշ սովորեք: Ես շատ եմ տեսել մթին բանտից դուրս եկած մարդիկ, նրանցից եմ իմանում:

— Երանի՛ թե դուրս գանք միայն այս սպանդարանից<sup>[10]</sup>, թեկուզ աշքներս կուրանա, վնաս չունի. բայց, վարպե՛տ եղբայր, քո այդ ասածդ մի բան ձգեց միտս, որ չեմ կարող չասել: Մի անգամ ես ու թագավորի որդին որսորդություն անելիս իշանք մի աղբյուրի մոտ՝ շատ դադրած ու քրտնած: Մոտակա զյուղի աղջկերքը շրջապատել էին աղբյուրը և հերթով լցնում էին իրանց ամանները: Իշխանս ջուր ուզեց, աղջիկներից մինը լցրեց փարչը, որ քերի տա իրան, մի ուրիշ աղջիկ առավ նրա ձեռից փարչը և դարտկեց: Նետո ի՞նքն սկսեց նորից լցնել, բայց էլի դարտկեց, և այսպես կրկնեց նա քսան թե երեսուն անգամ, սուտ չեմ կարող ասել, լավ միտս չե: Իմ բարկությունս սաստիկ եկավ, բայց իշխանիս շատ հաճելի թվաց աղջկա վարմունքը, մանավանդ, երբ նա ջուր քերելուց հետո հայտնեց, թե՝ իր միտքը չար չէր, այլ, տեսանելով, որ հոգնած ու քրտնած ենք, հարկավոր համարեց ուշ հասցնել սառը ջուրը, մինչև մենք փոքր-ինչ շունչ առնենք և հովանանք: Հիմա քո ասածն էլ նրա ասածի նման է. և գիտե՞ք արդյոք, գուցե հենց այն ջուր տվող աղջիկն է այժմ մեր թագուհին: Վաշագանը նրան տեսնելուց հետո է՛լ ուրիշ աղջիկ չուզեց. վճռաբար ասաց. կուզեք՝ նա՛ է, չեք ուզիլ՝ նա՛ է: Քազակավորը, ճարահատած՝ ինձ ուղարկեց նրա հոր մոտ հարսնախոսության, բայց աղջիկը շինժարեց, թե՝ ես արհեստ զգիտցողին չեմ ուզիլ: Ես այն ժամանակ մտքումս ծիծաղեցի, բայց էլի իշխանս իմացավ նրա խելացի միտքը և մի տարումը սովորեց շատ գեղեցիկ դիպակ գործել՝ բոլորովին քո գործածիդ պես: Իսկ ես, երբ որ ընկա այդ դժոխքի մեջ, նոր իմացա նրա խոսքի նշանակությունը:

— Բայց դու ինձ ա՛յս ասա, եղբա՛յր Վաղինակ, պատճառն ի՞նչ է, որ մենք թագուհուն ենք տեսնում երազներումս և ոչ թե թագավորին:

— Ո՞վ գիտե, այդ բանը դու ինձանից լավ կիմանաս, ըստ որում՝ երազի մեկնողը դու ես և, ների՛ր ինձ, որ երեսիդ ասեմ, ասածիս մեջ կեղծավորություն չկա. դու իմ աշքումս մի շատ իմաստուն մարդ ես երեսում. դու որ կարողացար դժոխքի արքանյակներից մարդու կերակուր ստանալ. դու էլի շատ բան կարող ես անել, և ես դեռ զարմանում եմ, որ մի իրաշքով հանկարծ չես շրացնում այս տարտարոսը<sup>[11]</sup> և մեզ ամենիս փրկություն տալիս: Եթե Աստված տա, որ մենք այս դժոխքից ազատվենք, ես հավատացած եմ, որ թագավորն իսկույն կկանչե քեզ և իր ամենամոտիկ խորհրդակիցը կանե:

— Եվ այդ, իհարկե, քո շնորհիվ կլինի, ըստ որում՝ թագավորին ես ծանոթ չեմ: Բայց ով գիտե, թե ինքը թագավորն ի՞նչ վիճակի մեջ է այժմ, գուցե նա էլ մի ուրիշ

դժոխքի մեջ է ընկել և ինձ նման զարբար<sup>[12]</sup> է գործում: Բա Էլ ո՞ր օրվան համար է շուլհակ դառել:

— Ձո՞ս խոսքերդ խորհրդավոր են քվում ինձ... բայց չէ՞... ինչպե՞ս կարելի է, որ իմ Վաշագանին քո օրն ընկած տեսնեմ, լավ է, որ ես մեռնիս այս րոպեիս:

— Իմ խոսքերիս մեջ ոչինչ խորհրդավոր քան չկա, եղբա՛յր Վաղինակ, ես այն եմ ասում, ինչ որ սրտինս է: Իմ կարծիքով՝ թագավորն էլ մեզ նման մի մահկանացու մարդ է, մեզ նման ամեն փորձությունների ենթակա: Մենք հիվանդանում ենք, նա էլ է հիվանդանում. մեզ սպանում են, գերի են տանում, նրան էլ են այդպես անում: Նա էլ է շուրջ ընկած ժամանակ մեզ պես խեղդվում, կրակն ընկած ժամանակ մեզ պես այրվում, նրա կերածն էլ է մի փոր հաց, այն էլ՝ գուցե ավելի դառն...

— Այդ շատ ճշմարիտ ես ասում, վարպե՛տ եղբայր, բայց իմ կարծիքով՝ թագավորն այնքան խոհեմ պետք է լինի, որ ինձ նման լոկ հետաքրքրությունից շարժված՝ քրմապետի հետևից չերթա և ընկնի նրա դժոխքի մեջ:

— Այդ մի՛ փորձանք է, եղբա՛յր Վաղինակ: Մի՛թե թագավորը կարող է կարծել, որ սուրբ քրմապետը մի զարհութելի դև է. մի՛թե նա կարող է կարծել, թե՛ կան այնպիսի մարդիկ, որոնք քստմնելի եղեռնագործությունը իրանց համար մի զվարճություն են համարում: ՉԵ՛, Վաղինակ, աշխարհիս երեսին ոչ մի մահկանացու ազատ չէ փորձանքից. այս օրվան քախտավորը կարող չէ իմանալ, թե՛ վաղն ի՛նչ անքախտության մեջ պիտի ընկնի: Բայց ուրիշ քան է, եթե վերահաս վտանգը առջևու կանգնած երևում է իր իսկական կերպարանքով: Խելքը գլխին մարդը երբ որ պատահում է մի վարար գետի՝ գլխապատառ ներս չի ընկնում, այլ փնտրում է նրա ծանծաղութը: Դու ինչ կուզես ասա՛, բայց մեր տեսած երազը ցույց է տալիս, որ թագավորը նմանապես ընկած է մի փորձանքի մեջ, և իմ սիրտն ասում է, որ նա կազատվի միայն այն ժամանակ, երբ որ կազատվինք մենք ինքներս:

— Եվ, իհարկե, նա ի՛նքը կլինի ազատած մեզ իր դիպակագործության շնորհիվ: Իմ սիրտս Էլ ասում է, որ այս րոպեիս ես լսում եմ իմ թագավորի ձայնը. այդ ձեռքի հենց առաջին անգամ լսելիս թափանցել է սրտիս մեջ: Բայց արդյոք հավատա՞մ իմ ականջին, ի՞նչ կասես, ասա՛ ինձ կտրական:

— Ո՛չ, ո՛չ, մի՛ հավատար. բայց հավատա՛ այն ձայնին, որ դրսից կլսես: Ականջ դրեք, ահա՛ ձայներ են լսվում, կարծես դժոխքի դուռն է դդրդում, երևի փրկիչն արդեն մոտեցել է. իմա՞ց տվեք ամենքին, որ գան այստեղ պատրաստ կենան...

## ԺԳ

Անահիտը, երբ որ քանտարկեց ծպտած քուրմին, իսկոյն փշել տվավ պատերազմական փողերը: Ահագին փողերի այդ հանկարծական որոտալը հայտնի նշան էր, որ մի մեծ վտանգ է պատահել աշխարհին: Մի ժամ չանցած՝ բոլոր քաղաքացիք թափվեցին պալատի առջև և այդտեղ սկսեցին խոնիլ ու տատանիլ լճացած հեղեղի պես: Ոչ որ չեր իմանում, թե ի՞նչ է պատահել, ամենքը շնչասպան միմյանց էին հարցնում և ոչ մեկից մի որոշ պատասխան չէին ստանում: Հանկարծ պատշգամբի վրա երևաց Անահիտը՝ ոտից մինչև գլուխ սպառազինված և, դեպի ժողովուրդը դառնալով, այսպես խոսեց.

«Զեր քազավորի կյանքը վտանգի մեջ է: Այս րոպեիս իմացա, թե ի՞նչ տեղ է ընկել: Նա գնացել էր իր երկրի մեջ պտտելու, որ ժողովրդի կարիքներն ու հոգսերն աշքովը տեսնի: Չար մարդկանց է հանդիպել և ընկել է մի տարտարոսի մեջ: Ել ուրիշ բան չունիմ հայտնելու ձեզ առայժմ: Ժամանակ չպետք է կորցնել: Ով որ սիրում է իր քազավորին, ում համար թանկ է նրա կյանքը՝ շուտով ձիավորվի և զա իմ հետևից: Մենք պետք է կեսօր չեղած հասնենք Պերոժ քաղաքը: Ես արդեն պատրաստ եմ և ձեզ եմ սպասում: Դե՛հ, գնացե՛ք և շուտով պատրաստվեցեք»:

Մի ակնթարթի մեջ ցրվեցավ ժողովուրդը, գոչելով՝ կեցցե՛ քազավորը, կեցցե՛ թագուհին, և մի ժամ չանցած՝ արդեն ամենքը զինված պատրաստ էին: Քաջասիրտ օրիորդներն ու տիկիններն էլ, երբ որ իմացան, թե՝ քազուհին այսի առաջնորդն զորքին, նմանապես զրահավորվեցին ու ձիավորվելով շրջապատեցին քազուհուն:

Մի կատարյալ հիացը էր Անահիտը սպարապետի զգեստի մեջ: Կրակոտ ձիու վրա նստած, ոսկեզօծ զրահով պատած, մազերը սաղավարտի մեջ ամփոփած, լայնաշեղք քուրը կապած, վահանը թիկունքին կախած: Այս բոլորը նրա արեգնատիա դեմքի և հրավառ աշքերի հետ մի ահեղ կերպարանը էին տվել նրան:

Երբ քաղաքից դուրս եկան տափարակ դաշտը, Անահիտը դարձրեց ձիու գլուխը և, այս ու այն կողմ քշելով՝ հրամաններ արձակեց և, մի քանի րոպեի մեջ կարգավորելով ամբողջ այրուածին, գոչեց բարձրաձայն՝ «հառա՛ջ», և ինքն առաջ անցնելով ասպանդակեց ձին և մի վայրկյանի մեջ աներևութացավ: Հեռվից երևում էր միայն ձիու բարձրացրած թանձր փոշին, որ ամպի պես մինչև երկինք էր հասնում: Երկու ժամից հետո նա իր հրեղեն ձիով կանգած էր Պերոժ քաղաքի հրապարակի մեջ մեն-մենակ: Կոապաշտ քաղաքացիք, նրան երկնքից իշած մի նոր աստված համարելով՝ խուռն քազմությունով չոքեցին նրա առջև և զլխները մինչև գետին կորացրին:

— Ո՞ւր է ձեր քաղաքապետը, — գոչեց Անահիտը սպառնալից ձայնով:

Ծունկ շորածներից մինք վեր կացավ և դողդողալով ասաց.

— [116] Ծառա՛ղ եմ, այստեղի քաղաքապետը:

— Դո՞ւ ես ուրեմն, որ այնքան անհոգ ես, որ չգիտես, թե՛ ի՞նչ է զործվում քո աստվածների բնակարանում:

— Ծառադ եմ, ես ոչի՛նչ չգիտեմ:

— Դու կարելի է թե չգիտես Էլ, թե՛ որտե՛ղ է գտնվում ձեր տաճարը:

— Ինչպե՞ս չգիտեմ, ծառադ եմ, շա՛տ լավ գիտեմ:

— Առա՛ջ անցիր, ուրեմն...

Կես ժամ շանցած՝ ամբողջ քաղաքը գջլված գնում էր Անահիտի հետևից: Երբ որ մոտեցավ մեհյանի պարիսպներին՝ քուրմերը կարծեցին, թե՛ ուխտավորների մեծ քազմություն է եկողը, շտապով բաց արին դուռը: Բայց երբ ներս խոնվեց ժողովուրդը, երբ տեսան զրահավորված հրաշագեղ ասպետի սպառնալից դեմքը և իրանց ուշ շղարձնելը, մի անսովոր սարսափի մեջ ընկան: Անահիտը մի բոպեի մեջ գտավ տարտարոսի դուռը և, դառնալով քաղաքապետին՝ հրամայեց.

— Բաց արեք ահա՛ այս դուռը:

Մինչդեռ քաղաքապետի հրամանով մի քանի անձինք պատրաստվում էին կոտրատել դուռը, ծերունի քրմապետը, Վերահաս վտանգը տեսնելով, դուրս եկավ իր մեհենական զգեստով, որ ժողովուրդի վրա սարսափ ձգե և ետ մղե: Երբ որ իր սպիտակ շուրջառը ձգած, քրմապետական երկճյուղ ու երկայն թագը գլխին դրած և գավազանը ձեռին դուրս եկավ ուռած ու փրկած՝ ժողովուրդը ճանապարհ բաց արավ և ետ քաշվեց ահ ու դողով: Նա մոտեցավ Անահիտին և պատգամախոսի ձայնով աղադակեց.

— Ի՞նչ ես ուզո՞ւմ, ի՞նչ ես անո՞ւմ, ե՛տ քաշվիր այդտեղի՛ց:

Անահիտը, բարկությունը հազիվ զսպելով, ասաց.

— Ես հրամայում եմ, որ այս դուռը բացվի՛:

— Ո՛վ է կարող հրամայել այստե՛ղ, բացի ինձանի՛ց: Այս դո՛ւռը մեր սրբարանի դո՛ւռն է. այստե՛ղ է գտնվում մեր նախնյաց փոշի՛ն, այստեղ է մեր անշեշ կրակարա՛նը. տեսե՛ք ահա՛ այն ծո՛վիր, որ մինչև երկի՛նք է բարձրանո՞ւմ:

Աստվածների բարկությունը մի՛ շարժեք: Յրվեցե՛ք, հեռացե՛ք, կորե՛ք, ինչպե՛ս եք համարձակվում ձեր պի՛ղծ ոտներով կոխոտե՛լ այս սո՛ւրբ վա՛յրը:

Քրմապետի ահեղագոշ սպառնալիքը սնապաշտ ժողովրդի վրա սարսափ բերավ. ամենքը կորագլուխ ետ քաշվեցին, բայց նրանց մեջ կային և քրիստոնյաներ, որոնք պինդ կանգնեցին իրանց տեղերը՝ կասկածելով, որ այդ ծածկարանումը մի սարսափելի գաղտնիք պիտի լինի թաքնված: Նրանք միաբերան գոշեցին.

— Բացվի՛, բացվի՛ այդ տարտարոսի դուռը:

Քրմապետը տեսավ, որ իր հրամանին ընդդիմացողներ կան, երեսը դարձրեց դեպի մեհյանը և, ձեռքերը մեկնելով՝ աղաղակեց.

— Ո՛վ հզոր աստվածնե՛ր, ձեր սուրբ տաճարը պղծվո՛ւմ է, օգնությո՛ւն հասցրեք...

Այս ձայնի վրա մեհյանի դուռը բացվեց, և նրա միջից դուրս թափվեցին մի խումբ սպառազինված դաժանատեսիլ մարդիկ: Սրանք քուրմերն էին, որոնք վերահաս վտանգը տեսնելով՝ անձնապաշտպանության էին պատրաստվել: Քրմապետը հրամայեց նրանց, որ դուռը պահպանեն և ոչ որի թույլ չտան մոտենալ:

Անահիտի համբերությունը հատավ սաստիկ բարկությունիցը: Դարձրեց ձիու գլուխը և, ետ նայելով՝ տեսավ, որ քաղաքի վրա ամպի պես փոշի է բարձրացած, ինչպես 117 ավագանքավագնից ավելի և սրտապնդվելով՝ ուզեց ինքը մենակ վերջացնել ամեն բան և մի րոպե առաջ տեսնել իր Վաշագանին: Զախ ձեռքն առավ վահանը և, աջով սուրբ հանելով, դարձավ դեպի քուրմերը և գոշեց.

— Վերջի՛ն անգամ հրամայում եմ ձեզ՝ զինաքա՛փ լինել և քանա՛լ այդ դժոխքի դուռը:

Քուրմերը պատրաստվեցին դիմադրելու: Անահիտի իմաստուն ձին իմացավ տիրուին մտադրությունը, մի թեթև ասպանդակի հարված ստանալուն պես կոխուեց քավթառ քրմապետին և հարձակվեց քուրմերի վրա: Կայծակի արագությամբ երեքի գլուխը թոցրեց Անահիտը և խսկոյն ետ մղեց ձին: Քուրմերը նրան շրջապատեցին և վիրավորեցին ձին: Անահիտը պաշտպանդական դիրք բռնեց, բայց ձին իր հարձակմունքը շարունակում էր. նա միանգամից թե՛ առջևից և թե՛ հետևից էր հարձակվում և հարվածներ էր, որ տալիս էր աքացիներով: Քուրմերը կովում էին ամենահուսահատ և կատաղի կերպով: Անահիտի կյանքը անխուսափելի վտանգի մեջ էր: Այդ որ նկատեցին քրիստոնյաները՝ քուրմերի քամակից հարձակվեցին: Քուրմերը շփոթվեցին և երեսները դարձրին, որ

պաշտպանվին: Անահիտը, օգուտ քաղելով այդ հանգամանքից, կրկին հարձակվեց և Էլի մի քանի գլուխ թոցրեց և մի քանիսին ոտնատակ տվավ: Կոապաշտները տեսան, որ քրիստոնյաներն օգնում են Անահիտին, կարծեցին, թե՝ կոհիվը կրոնական է, իսկույն անցան քուրմերի կողմը և սկսեցին քարե կարկուտ թափել քրիստոնյաների վրա: Այդ միջոցին Անահիտի սաղավարտը [118] ընկավ մի քարի հարվածից, որ դիպավ նրա ծայրին: Նրա խիտ և երկայն մազերը փուլեցին և ծածկեցին ամբողջ կազմվածքը ամեն կողմից, քացի հրացայտ աչքերից: Նրա այդ տեսքը մի նոր սարսափ ձգեց ամբոխի վրա, որոնք իրանց քարե կարկուտը դադարեցրին իսկույն: Այդ հանգամանքից Էլ օգուտ քաղեց Անահիտը, մի անգամ Էլ հարձակվեց քուրմերի վրա և մի քանիսին մահացու վերք տալով գետին գլորեց: Հենց ա՛յդ ժամանակ վրա հասան զորքի առաջապահ նիզակավորները օրիորդների և տիկինների հետ, և իրանց թագուհուն հուսահատ կովի մեջ տեսնելով՝ միաձայն աղաղակեցին և հարձակվեցին քուրմերի վրա: Մի բոպե շանցած՝ կենդանի մնացած քուրմերը փախսան. ամբոխը եւս քաշվեց, և բաց հրապարակի վրա մնաց Անահիտը՝ շրջապատված քաշասիրտ օրիորդներով ու տիկիններով: Քրիստոնյաներից մինը բերավ նրա սաղավարտը, որ ազատել էր ամբոխի ձեռից: Անահիտն իջավ ձիուցը ողջ-առողջ, կարգավորեց իր մազերը և սաղավարտը դրավ գլխին: Հրաման արձակեց, որ եկող զորքը շրջապատե մեհյանը, որի մեջ պատսպարվել էին բոլոր քուրմերը և ներսից դուռը փակել: Հետո, դառնալով դեպի ամբոխը, ասաց. «Եկեք այստեղ կարգով կանգնեցե՛ք հանդարտ, որ տեսնեք՝ ի՞նչ կա ձեր սուրբ քրմապետի սրբարանումը»,— և հրամայեց դուռը կոտրտել:

Մի զարհուրելի տեսարան բացվեց ժողովրդի առջև: Դժոխային որջից դուրս սողացին բազմաթիվ հոգիք, որոնք նոր գերեզմանից հանած դիակների էին նմանում: Շատերը վերջին շնչումն էին և ոտքի վրա կանգնել չեին կարողանում: Նրանց ուրախության լացն ու կոծը, ճիշն ու աղաղակը մարդու սիրտ էին կտրատում: Ամենից հետո դուրս եկան Վաշագանն ու Վաղինակը՝ գլխները քաշ զցած: Թագուհին ճանաչեց Վաշագանին և նշանացի արավ իր մարդկանցը, որ նրան տանեն իրան համար պատրաստելի վրանը: Վաշագանը գնաց Վաղինակի ձեռքից բռնած, որ աչքերը խփած կույր աղքատի պես հետեւեց նրան: Մյուս բոլոր դուրս եկողներին հրապարակի վրա նստեցնելուց հետո Անահիտը հրամայեց զինվորներին, որ ներս գնան և ամեն բան, ինչ կա-չկա, դուրս տան: Զինվորները մտան դժոխքի մեջ և այնտեղից դուրս բերին նոր մեռած մարդկանց դիակներ, նոր կտրած գլուխներ, կրոցներով լիքը մարդկային լեշեր, մարդամսով լիքը կաթսաներ, զանազան արհեստի գործիքներ և պարագաներ...

Կոապաշտները, որ արդեն ամոքահարված և քստմնած էին, այդ ծայրահեղ եղեռնագործությունը տեսնելով՝ Է՛ շհամբերեցին և բարձրաձայն աղաղակեցին.

— Մե՛ծ է քրիստոնեաց Աստվածը, դժո՞խը է մեհյանը, դևե՛ր են կուոքերը, սատանա՛յը են քուրմերը, կոտորե՛նք, ջնջե՛նք, սատկացնե՛նք սրանց...

— Ո՛չ, ո՛չ,— գոշեց թագուհին,— սպասեցե՛ք, շմոտենա՛ք տաճարին, ձեռք չտա՛ք քուրմերին, նրանց պատժելու իրավունքն ի՛մն է: Մեզ հարկավոր է նախ և առաջ այս թշվառների հոգար քաշել:

Եվ սկսեց հարցնել ամեն մեկին առանձին, թե՛ նա ո՛վ է, ի՛նչ տեղացի է: Մեկն ասում էր՝ իմ անունս Առնակ է, ես Բաբիկի որդին եմ: Այդ անունը բարձր ձայնով կրկնում էր քաղաքապետը, և ահա՛ մի ծերունի մարդ դողդողալով մոտենում էր և հեկեկալով ասում. «Ո՞ւր է իմ որդիս»: Երկրորդի մայրն էր լույս ընկնում և ուշաթափ ընկնում իր մինուճար որդու վրա, երրորդի քոյրը, չորրորդի եղբայրը: Շատ քշերը մնացին անտիրական, այդպիսիներին էլ թագուհին առավ իր իմակալության տակ. դրանց թվումն էին և Վաշագանի արհեստակիցները:

Այդ թշվառներին տերվետեր անելուց հետո թագուհին կամեցավ անձամբ զննել քուրմերի սպանդարանը: Քաղաքապետի և մի խումբ զինվորների հետ ներս զնաց և նավթավառ լուցկիներով զննեց նրա ամեն մի քունչ<sup>[13]</sup> ու պուճախը: Ո՛ր կողմը նայում էր, մարդկային արյունի հետքեր էր նշմարում և անհամար ոսկորներ՝ այս ու այն անկյունում թափած:

— Այս զարհութելի տարտարոսը կարծ ժամանակում գլուխ բերված բան չէ,— ասաց նա քաղաքապետին,— սրա վրա շատ տարի ու շատ մարդիկ պիտի լինին աշխատած, իսկ այդ մարդիկը մի անգամ այստեղ ընկնելուց հետո է՛լ լույս աշխարհը չեն տեսել:

— Ողորմա՛ծ թագուհի, ես մեղավոր եմ, որ խիստ հսկողություն չեմ ունեցել, բայց մի այսպիսի բան իմանալու համար քո իմաստությունն ունենալու է: Ամեն տարի միայն մեր քաղաքից, եթե քիչն ասեմ, հարյուր մարդ է անհայտացել, բայց ես միշտ կարծել եմ, թե՛ լեռնեցիք են գերի տարել: Այդ զարշելի քուրմերին մենք ոչ միայն սուրբերի տեղ ենք ընդունել, այլև կարծել ենք, թե՛ դրանք շատ ժրաշան և արհեստաեր մարդիկ են, իրանց ձեռքի աշխատանքովն են ապրում և ո՛չ ժողովրդի հաշվով և արյունով: Ո՞վ կկարծեր, թե՛ այն թանկագին հյուսվածքներն ու գործվածքները, որ դրանք ամենայն օր բերում էին շուկա վաճառելու, իրանց ձեռքի գործքը չի եղել, ո՞վ կկարծեր, որ մեր պաշտած քրմապետը մի կերպարանափոխած դև է եղել և անմեղ մարդկանց արյան ծարավի...

Վերջապես դուրս եկան այդտեղից և զնացին դեպի տաճարը: Բախեցին տաճարի դուռը, որ քուրմերը բաց անեն և անձնատուր լինին, բայց ներսից ձայն հանող չեղավ: Դուռը կոտրտեցին զինվորները և ներս զնացին, բայց ներսը մարդ չզտան, վերև նայեցին, և մի նոր տեսարան բացվեց նրանց առջև. բոլոր քուրմերը

և քրմապետը կախվել էին առաստաղից և դեռ ճոճվում էին իրանց պաշտած հնդկացի կուոքերի դիմաց: Երբ որ այդ մասին հայտնեցին թագուհուն՝ նա ասաց.

— Այդ մահը շատ թեթև է դրանց համար, բայց վնաս չունի, թողեք այդպես մնան, միայն թո՛ւյլ տվեք ժողովրդին, որ ներս գնան և երկրպագություն տան իրանց սուրբերին:

Դրսումը ամբոխված և զրգոված մարդիկը հեղեղի պես ներս թափվեցին և կատաղի կերպով հարձակվեցին կուոքերի վրա և ջարդուիշուր արին իրանց երեկվան պաշտած աստվածներին: «Ի՞նչ հեշտ են ջարդվում այս գարշելիները, մինչդեռ մենք կարծում էինք, թե՝ անհպելի և անմատչելի են», — ասում էին շատերը: Դուրս տվին բոլոր անոթներն ու սպասները, քարութանդ արին խորաններն ու ծածկարանները, անթիվ ոսկի և արծաթ զտան, բայց առանց մի բան հափշտակելու և զողանալով՝ ամեն ինչ տարան թափեցին հրապարակի մեջ, թագուհու առջև. իսկ թագուհին կարգադրեց, որ քուրմերի բոլոր այդ ունեցած-չունեցածը բաժանվին դժոխքից ազատվածներին: Երբ որ մեհյանի մեջ էլ ոչինչ չմնաց, ամեն ինչ տակն ու վրա արին՝ իրանց արդար զայրույթի վերջին մրուրը թափեցին խեղդամահ եղած քուրմերի գլխին: Յած քերին դժոխքի արբանյակներին և ամենքին կտոր-կտոր անելով դուրս նետեցին պարսպից, որ զազաններին լափ դառնան:

Մնացած անելիքը թագուհին հանձնեց իր հարյուրավետներից մեկին, իսկ ինքը զնաց իր վրանը, ուր նրան անհամբեր սպասում էր Վաշագանը: Երկու սիրելիները նստեցին իրար կողքի և միմյանց նայելուց չեին կշտանում: Վաղինակը մոտեցավ թագուհուն, համբուրեց նրա ձեռքը և, մյուս կողքին <sup>120</sup> սկսեց հեկեկալ մորք զտած երեխայի պես:

— Դու ոչ թե այսօր ես փրկել մեզ, իմ աննմա՞ն թագուհի, այլ՝ շատ օրեր սրանից առաջ, երբ ես տեսա քեզ երազումս, հենց ա՛յդ զգեստիդ մեջ:

— Դու սխալվում ես, Վաղինա՞կ, — ասաց Վաշագանը, — թագուհին այն ժամանակը փրկեց մեզ, երբ որ քեզ ասաց. «Ձեր թագավորի որդին արհեստ գիտե՞»: Մի՞տե՞ է, որ դու էլ մի կուշտ ծիծառել էիր:

— Ա՛խ, ճշմարիտ է. ի՞նչ ասեմ: Եվ ես, որ այն ժամանակը շատ անհավատ էի, միայն իհմա եմ սկսել իին լսածներիս հավատալ: Մեսրոպ վարդապետը որ մեզ քարոզում էր, թե՝ «Եթե Քրիստոս դժոխք չիջներ, դժոխքը չէր կործանվի», — ես նրա այդ ասածի վրա էլ էի ծիծառում, բայց իհմա իմ թագավորն անձամբ ցույց տվավ, որ Մեսրոպը ճշմարիտ էր ասում:

- Հանգստացի՞ր, Վաղինակ, այդ մասին մենք հետո շատ կխսուինք,— ասաց թագուհին, նոր արդեն զգալով, որ ինքն էլ է սաստիկ հոգնած:
- Ես ինչպես տեսնում եմ, թեզ նմանապես հարկավոր է հանգստանալ,— ասաց [Վաշագանը](#) թագուհուն:— Դու հիմա հանգստացիր, մնացածը ես ինքս կհոգամ:

Թագուհին քաշվեց վրանի մյուս բաժինը, ուր նրա համար փափուկ փոփածք էին արել օրիորդներն ու տիկինները: Այդտեղ նա հանեց իր զենքն ու զրահը և ուղարկեց Վաշագանին, իսկ ինքը, փոփածքի վրա թիկն տալով՝ ուզեց իբր հանգստանալ, բայց նրա երևակայությունն այնպես գրգռված էր, նրա սիրտը՝ այնպես վրդովված, որ հանգստանալ չէր կարողանում: Մեկ՝ ուզում էր լիասիրտ ուրախանալ իր սիրելու ազատությունով, բայց մեկ էլ՝ թվում էր նրան, թե դեռևս շրջապատված է կատաղի քուրմերով, և ինքը մե՛րթ հարձակողական և մե՛րթ պաշտպանողական դիրք է բռնում: Մերթ ուզում էր իր արդար վրեժը հագեցած համարել, հիշելով, թե ինչպե՞ս էին թափալգլոր լինում դաժան քուրմերի գլուխները, բայց հանկարծ նրա առջև պատկերանում էին մարդամսով լիքը կաթսաները, և նոր արդեն սկսում էր ամբողջ մարմնով զինահարվիլ [\[14\]](#) ու զարգանդիլ ու սարսոիլ... Ահի այս խառնիխուուն տպավորությունները նրանից շուտ շիեռացան, իսկ այժմ ավելի շարշարում, քան թե հանգստություն էին տալիս:

Վաշագանը շատ լավ գիտեր, որ Անահիտը ինչքան որ քաջ էր, նոյնքան և փափկասիրտ էր: Գիտեր, որ նա կարող էր վրեժխնդրության հոգվով վառված անխնա կոտորել իր թշնամիներին, բայց նրա քնքուշ սիրտը կարող չէր հեշտությամբ մարսել մի այդպիսի կոշտ գործողություն: Այս պատճառով շտապեց Անահիտից առնել իր զենքն ու զրահը: Նա լվացվեց, մաքրվեց, փոխեց իր հագուստը, հազար զրահը, կապեց արքայական թուրը և, դուրս գալով վրանից՝ երևաց զորքին, որ նրա տեսությանն ապասում էր անհամբեր: Հենց որ երևաց Վաշագանը և ողջուն տվալ՝ զորքն ուրախության աղաղակ բարձրացրեց: Թագավորը հայտնեց նրանց իր շնորհակալությունը: Այդ միջոցին քաղաքապետը եկավ թագավորի ոտներն ընկավ, շնորհավորեց նրա ազատությունը և հայտնեց, որ ճաշ է պատրաստել կանաչ դաշտումը զորքի համար: Թագավորը հրաման տվավ զորականներին, որ երթան ճաշեն և ուրախություն անեն, իսկ ինքը զնաց Անահիտի մոտ, ուր արդեն օրիորդներն ու տիկինները ճոխ սեղան էին սարքել և թագավորի գալուն էին սպասում, որ հացի նստեն: Այստեղ էր և Վաղինակը՝ փոխած իր հնոտիքը և գեղեցիկ հագուստով զուգված: Այդպես գեղեցիկ և ուրախ ճաշ չէր արած Վաշագանը իր բոլոր կյանքումը: Այն ուրախությունն ու զվարճությունը, որ անում էին օրիորդները, Վաղինակին էլ մի այնպիսի հոգեկան զմայլանքի մեջ էին ձգել, որ նա կարծում էր, թե՝ երանելյաց աշխարհի մեջ է և հրեշտակների հետ է խնդում, ուրախանում: Անահիտն էլ ազատվեց հոգեմաշ ցնորդներից և մի բաժակ զինուց հետո ի՞նքն էր առաջնորդում օրիորդներին ու տիկիններին սրախոսություն անելիս:

Այսպես ուրախ ճաշելուց հետո փողերը նշան տվին, որ ժամանակ է ճանապարհ ընկնելու դեպի սուն: Առաջ ընկան թագավորն ու թագուհին, նրանց կողքին օրիորդներն ու տիկինները, իսկ հետևից բոլոր զինվորները, որոնք միաձայն երգում էին մի ազգային հաղթական երգ: Երբ որ հասան Պերոժ քաղաքի հրապարակը՝ բոլոր քաղաքացիք, մեծ ու փոքր, այր ու կին միաբերան աղաղակեցին.

— Կեցցե՛ թագավորը, կեցցե՛ թագուհին, կորչի՛ն քուրմերը, կործանվի՛ն կոատումները [15], քրիստոնյա՛, քրիստոնյա՛ կուզենք լինել:

Թագավորը նրանց պատասխանեց, որ շուտով կզա հայրապետը և նրանց կմկրտե (և հիրավի՛, երկու օրից հետո եկավ Աղվանից Շուփիաղիշե կաթողիկոսը շատ քահանաներով և եպիսկոպոսներով և բոլոր պերոժցոց տարավ Կուրի եզրը, ոկ 122 ներկացան ամենքը և, սպիտակ սավանով սփածված [16], մտան գետը՝ փոքր մանուկներին գրկերն առած: Կաթողիկոսը մկրտության համառոտ կարգը կատարեց և ամենքին իրամայեց երեք անգամ ընկղմվել ջրումը և դուրս գալ: Այսպես լուսավորվեցին պերոժցիք քրիստոնեական լուսով: Բայց մենք դառնանք մեր պատմությանը):

## ԺԴ

Երբ որ թագավորն ու Վաղինակը ողջ-առողջ տուն հասան՝ նրանց դիմավորեց Զանգին և, մերք մեկի, մերք մյուսի ոտներին փաթաթվելով, այնպես էր վնասնակում, որ կարծես ամեն քան գիտեր, ամեն քան լսել էր:

Մյուս օրը բանտից հանեցին դիակակավածո քուրմին, որ դատեն իրապարակավ և դատապարտեն: Երբ որ դատավորները ժողովվեցին և ուզում էին դատել նրան թագավորի ներկայությանը՝ Վաղինակը մոտեցավ և խնդրեց թագավորից, որ այդ դաժան ծերի կյանքն ու մահը իրան հանձնե:

— Դու ինչպե՞ս ես ուզում պատժել սրան,— հարցրեց թագավորը:

— Այդ մասին ես ու Զանգին կմտածենք,— պատասխանեց Վաղինակը:— Դրա մահվան կերպով միայն կարող եմ թեքեացնել հիշողությանս մեջ իմ կրած կսկիծը: Այն գարշելիները հեշտ պրծան, նրանց բախտին չպիտի արժանացնեմ սրան:

— Բայց, Վաղինա՛կ, դու մոռանում ես, որ քրիստոնեին անվայել է վրեժխնդրությունը: Ինչպես տեսնում եմ, դու սրան տանջել ես ուզում:

— Ո՛չ, ես ուզում եմ միայն, որ դրա սև հոգին Զանգուն հանձնեմ և թողնեմ նրա կամքին, որ ինչպես ուզենա, այնպես հանե...

— Տա՛ր, տա՛ր, շանսատա՛կ արա սրան,— ասացին միաբերան դատավորները:

Թագավորն էլ չուզեց Վաղինակի խնդիրը մերժել: Վաղինակը, քուրմի ձեռները կապուտած, տարավ մի ձորի մեջ և, այնտեղ բաց թողնելով, ասաց Զանգուն.

— Զանգի՛, տե՛ս, սա է այն մարդը, որ ինձ քանի տարի տաճշել է սոսկալի տաճշանքով, ինձ այնպես բան է ուտեցրել, որ դու չես տեսել քո օրումը: Զանգի՛, տաճշի՛ր այս մարդուն, որ մի քիչ սիրտս հովանա: Դե՛, զազա՞ն է սա, քոնի՛ր, կծի՛ր, պի՛նդ, պի՛նդ...

Զանգին մի ոստյունով հարձակվեց քուրմի վրա և, մի ակնթարթի մեջ քուկը հախոելով<sup>[17]</sup> խեղդեց և մոմոալով ետ քաշվեց իսկոյն:

— Ա՛խ, Զանգի՛, այդ ի՞նչ հեշտ պրծացրիր դու այդ անիրավին: Մի՞թե ես քեզ այդպես ասացի: Այդպես հո ո՞չ մի բարեգործ դահիճ չէր անիլ, ինչպես որ դու արիր:

Վաղինակը շատ զղաց, որ Զանգուն դահճի պաշտոն տվավ, և թագավորին զանգատվեց, բայց թագավորը շատ ուրախացավ, որ Զանգին այնքան բարի է եղել:

\* \* \*

Վաչագան թագավորի այս արկածքի լուրը տարածվեց քոլոր քաղաքներում և զյուղերում: Այդ մասին խոսում էին մինչև օտար երկրներում էլ և ամենայն տեղ Անահիտի և Վաչագանի գովասանքն էին անում: Ազգային երգիչները, զյուղեզյուղ և քաղաքեքաղաք պտտելով, այդ անցքի պատմությունն էին անում երգերով: Ափսո՞ս, որ այդ երգերը մեզ չեն հասել, բայց ինչ որ արել են Վաչագանն ու Անահիտը իրանց աշխարհի համար, այդ բանը հերիաքի ձևով <sup>123</sup> պատմում են մինչև այսօր էլ: Այդ հերիաքի գլխավոր միտքն այն է, որ՝ «Թագավորի կյանքը արհեստն է փրկել»: Այս լավ միտք է, և ինչ ժողովրդի մեջ որ գտնվում է մի այսպիսի սրբացած ավանդություն, դա ցույց է տալիս, թե ուրեմն՝ այն ժողովուրդը մեծ նշանակություն է տալիս արհեստներին, աշխատասիրությանը, որից գլխավորապես կախված է ժողովրդի բախտավորությունը: Այդ բախտավորությունը ևս առավել ապահովանում է, եթք որ երկրի թագավորն ինքն անձամբ օրինակ է տալիս ժողովրդին և հովանավոր ու պաշտպան է դառնում արհեստին:

Եվ ճշմարի՛տ, մեր պապերը, որ շատ աշխատասեր և արհեստասեր էին, այդ անցքից հետո ևս առավել ուշադրություն դարձրին արհեստների վրա: Ամբողջ աշխարհումը էլ ո՞չ մի հոգի չէր գտնվում, որ մի որևիցե արհեստ չիմանար, և

շատ արհեստներ մեր աշխարհում մինչև վերին կատարելագործության հասան: Աղջկերքը սովորում էին առհասարակ գործվածքներ անել. բրդից գործում էին զանազան գորգեր և շալեր, բամբակից՝ կտավեղեն, մետարսից՝ նորք կերպասներ: Կար, ձև, հյուսվածք՝ ամենը գիտեին: Ամեն երկրագործ ի՞նքն էր շինում իր բոլոր գործիքները, իր գութանն ու սայլը, իր զենքն ու զրահը, իր պղնձեղեն ու կավեղեն ամանները, իր տունն ու կարասիքը: Ամառը երկիրն էր գործում<sup>[18]</sup>, ձմեռն իր արհեստը բանեցնում: Եվ աշխատում էին ոչ թե ջոկ-ջոկ, այլ՝ խմբովին, միասին: Տեսնելու բան էր, թե ինչպես գյուղի բոլոր առույգ երիտասարդները, ահազին կուանները ձեռքներին, զարկ զարկի հետևից կարկուտի պես թափում էին մի կտոր երկարի վրա, որից ուզում էին մի խոփ շինել կամ կացին, կամ թուր և այլն: Այսպես միասին էին հերկում իրանց դաշտերը և միասին հնձում արտերը:

Հոգևորականությունն այն ժամանակ մի ձրիակեր դասակարգ չէր: Բոլոր վանքերը մի-մի գործարան էին, ուր պատրաստում էին ազնիվ մազաղաթ, գրում էին, կազմում էին և, բացի սրանից, իրանց բոլոր հազուսներն ու կարասիքը իրանց ձեռքովն էին պատրաստում: Նրանք ասում էին.

**«Ուսումն ու արհեստը պետք է այնպես հյուսված լինին միասին, ինչպես Վաշագան քազավորի դիպակը՝ իր խորհրդավոր թալիսմաններով»:**

Կարող եք, ուրեմն, երևակայել, թե՝ ի՞նչ կլիներ մի ժողովուրդ այնպիսի հոգևորականների օրով, մանավանդ՝ այնպիսի մի թագավորի, ինչպիսին Վաշագանն էր, որ ժողովրդի զավակն էր, նրա հայրն ու եղբայրը: Ի՞նչ կլիներ Անահիտի պես մի թագուհու օրով, որ երկրի համար դառավ հարազատ ու սնուցիչ մայր. և ահա՝ ինչ էր ասում ժողովուրդը Անահիտի մասին.

**«Նա մեր գետերը ծածկեց լաստերով ու կամուրջներով, մեր ծովերն ու լճերը՝ նավերով ու նավակներով: Նա մեր դաշտերը ողողեց ջրանցքներով ու առուներով, մեր քաղաքներն ու գյուղերը՝ սառն աղբյուրներով: Նա մեր սայլերին հարք ծանապարհներ տվավ, մեր գութաններին՝ ընդարձակ երկիր: Նա կործանեց դժոխքը և մեր աշխարհը շինեց մի եղեմական դրախտ: Կեցցե՛ Անահիտը, կեցցե՛ հավիտյան»:**

## Տողատակեր

1. ↑ **Բյուրաղի** - հազարավոր լարեր ունեցող
2. ↑ **Հազարապետ** - երկրի տնտեսական գործերի կառավարիչ
3. ↑ **Դադրած** - հոգնած, բեզարած
4. ↑ **Փարչ** - կավե կամ պղնձե բոնակավոր զավաթ

5. **Կակուղ** - փափուկ
6. **Փտնել** - վատաքանել, փնովել
7. **Դիպակ** - մետաքսյա ոսկեթել և արծաթաթել կտոր և դրանից կարված զգեստ
8. **Ոսկեծղի** - ոսկեթև, ոսկեթազուկ
9. **Մարի** - էզ քոչուն
10. **Սպանդարան** - սպանդանոց, սպանության վայր
11. **Տարտարոս** - հունական դիցաբանության մեջ՝ դժոխը
12. **Չարբաք** - դիպակ
13. **Քունջ** - անկյուն
14. **Ջինահարվել** - սարսուալ, փշաքաղվել
15. **Կոատուն** - կուոքերի տուն, հեթանոսական տաճար, սրբարան
16. **Սփածված** - ծածկված, վրան զցված
17. **Հախոել** - խժոել, լափել
18. **Երկիր զործել** - զբաղվել երկրագործությամբ, հողի մշակմամբ

# About this digital edition

This e-book comes from the online library [Wikisource](#)<sup>[1]</sup>. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)<sup>[2]</sup> license or, at your choice, those of the [GNU FDL](#)<sup>[3]</sup>.

Wikisource is constantly looking for new members. During the realization of this book, it's possible that we made some errors. You can report them at [this page](#)<sup>[4]</sup>.

The following users contributed to this book:

- Uuhwul
- Վազգեն
- Armenian12

- 
1. [↑ http://wikisource.org](http://wikisource.org)
  2. [↑ http://www.creativecommons.org/licenses/by-sa/3.0](http://www.creativecommons.org/licenses/by-sa/3.0)
  3. [↑ http://www.gnu.org/copyleft/fdl.html](http://www.gnu.org/copyleft/fdl.html)
  4. [↑ http://wikisource.org/wiki/Wikisource:Scriptorium](http://wikisource.org/wiki/Wikisource:Scriptorium)